

傷寒瑣言序

醫之為道何道也白君子之道也苟非存
心有恒者可輕議哉何則夫藥之性能生
人亦能殺人蓋操之不得其要則反生為
殺矣惟君子則立心不苟故其為業必精
及其臨病必詳以審故能化悲痛為歡忻
小人之性忍以貪貪則惟利是圖忍則輕
忽視人命逮及臨病則誇以畧不察病之

虛實輒投瞑眩之藥不殺人也幾希吾固
為君子之道也予晚年得子方逾弱冠柔
軟多病習懶不能自強必非能受此道者
日夜痛心懼夫吾歿之後有病委之庸醫
足可以傷生滅性孟子云不孝有三無後
為大有子多病不傳以濟生之道一旦天
扎祖宗之祀事絕矣豈為人父之道哉某
今年七十有七哀邁殊甚桑榆之日豈能

久照日夜用心以緝成傷寒明理續編論
法雖畧備非有師承口訣不能融會貫通
于心又著瑣言一卷文雖鄙俚然言簡意
到其中包括仲景不傳之妙皆世所未嘗
聞見剖露肺肝以罄其蘊奧寔升高之梯
階當室之如珠玉潛心玩繹搜索以盡厥
旨有疑輒問不可因循務期日進高遠司
馬溫公曰達則為良相不達則為良醫豈

非君子之道乎汝宜服膺此訓敬慎而行
之他日倘能以斯道濟人亦君子也若存
心不古以吾言為妄謬反以斯道殺人負
吾之用心非吾之子也

正統十年己丑中元日餘杭節菴道人陶

華書

序畢

辨張仲景傷寒論

餘杭節菴陶華

圓點破句
最多不可
作准

客有過予而問之曰甚矣傷寒之深奧桂枝麻黃二湯之難用也服之而愈者纔一二不愈而變重者嘗八九仲景立法之大賢也何其方之難憑有如此哉今人畏而不用以參蘇飲和解散等平和之劑而代之然亦未見其妙也予盍與我言之予曰吁難言也請以經語証之經曰冬氣嚴寒萬類潛藏君子固密則不傷於寒觸冒之者乃名傷寒耳其傷於四時皆能為病以傷寒為毒者以其最成殺厲之氣也中而即病名曰傷寒不即病者其寒毒藏於肌膚至春變為溫病至夏

傷寒論卷之一



變為暑病。暑病者熱極重於溫也。以此言之。傷寒者乃冬時感寒即病之名。桂枝麻黃二湯為當時之傷寒。設與過時之溫暑者有何預焉。夫受病之原則同。亦可均謂之傷寒。所發之時既異。治之則不可混也。請畧陳之。夫春溫夏熱秋涼冬寒者。四時之正氣也。以成生長收藏之用。風亦因四時之氣而成。溫涼寒熱也。若氣候嚴寒。風亦凜冽。天道和煦。風亦溫煖。冬時坎水用事。天令閉藏。水冰地凍。風與寒相因而成。殺厲之氣。人觸冒之。腠理鬱塞。乃有惡風惡寒之證。其餘時月。則無此證也。仲景固知冬時殺厲之氣所成。非比他病可緩。故其為言特詳於此書。而畧於雜病也。倘能因名以求其實。則思過半矣。不幸此書傳世久遠。遺帙頗多。晉太醫

令王叔和得於散士之後。詮次流傳其功博矣。惜乎以已論混經未免穿鑿。附會成無已氏因之。順文註釋。並無缺疑。正誤之言。以致將冬時傷寒之。迴解溫暑遺禍。至今而未已也。溫暑必別有方。今無徵也。我朝宋景濂學士嘗嘆傷寒論非全書得其旨。蓋傷寒之初。中人必先入表。表者何。即足太陽寒水之經。此經行身之後。自頭貫脊。乃有頭疼脊強惡寒之証。在他經則無此証矣。况此經乃一身之綱維。為諸陽之主氣。猶四通八達之衢。治之一差。其變有不可勝言者矣。故宜此二湯發散。表中寒邪。經曰辛甘發散為陽者是也。若以此湯通治春溫夏熱之病。則誤之甚矣。曰傷寒發於冬時已聞命矣。邪之在表為太陽經也。

一經而有二藥之分。又何耶。曰在經雖一。然則有榮衛之分。焉。寒則傷榮証。乃惡寒發熱而無汗。脈浮緊。蓋浮為在表。緊為惡寒。有寒則見無寒則不見也。常用麻黃湯。輕揚之劑。發而去之。寒邪退而汗出。表和而愈矣。曰緊脈固為寒矣。脈之緩者。亦用桂枝湯。又何耶。曰風則傷衛。衛傷則自汗。緣太陽受風。不能衛護。腠理疎而汗泄。所以脈見浮緩也。脈雖浮緩。其受寒則一。故亦宜桂枝辛溫之藥。解散寒邪。腠理閉而汗止。表和而愈。又有藥。湯者。二湯又難用也。故復設大青龍湯。然此藥難用。非。証也。曰溫暑既無方法治之。則將柰何。脈証與傷寒有何分別。曰溫暑雖殊。亦冬時感受寒邪。而不即散。在人身伏藏。歷二三日之久。天道大變。寒化

壹段

為熱。人在氣交之中。亦隨天地之氣而化。觀仲景以即病之傷寒。與寒暑時令為病之名。豈無異哉。治之方。亦必隨時。以用辛涼苦寒矣。安得。治寒辛溫之方乎。今無其方者。蓋散亡之也。溫變為熱。則已改易。冬時之寒為溫熱矣。方亦不容不隨時改更也。夫溫病欲出。值天時和煦。自內達表。脈反見於右關。不浮緊而微數。曰惡寒否乎。曰傷寒自冬月風寒而成。外則有惡寒。惡風之証。既名為溫。則無此証矣。曰然則子之言。何所據乎。曰據乎經耳。經曰太陽病發熱不惡寒而渴者。溫病也。不惡寒則病非因外來。渴則明其自內達表。曰春夏之病。亦有頭疼惡寒。脈浮緊者。何也。曰此非冬時所受之寒。乃冒非時暴寒之氣耳。或溫暑將

四逆散

柴胡 赤芍

枳實 甘草

大承氣湯

製錦紋

芒硝

厚朴

枳實

發火

發。又受暴寒。雖有惡寒。脈浮之証。未若冬時之甚也。宜卒涼之藥。通其內外而解之。斷不可用桂枝之劑矣。曰溫熱與傷寒治之不同。既聞命矣。敢問傷寒之在三陽則為熱邪。既傳三陰則為陰証矣。法以熱治。固其宜也。三陰篇以四逆散。涼藥以治四逆。大承氣湯以治少陰。其故又何耶。嗚呼。此蓋王叔和以殘缺之經。作全書詮次。將傳經陰証。與直中陰經之陰証混同立論。所以遺禍至今而未已也。姑畧陳之。蓋風寒之初。中人也。無常。一經六日至厥陰。邪氣衰。不陽。終厥陰也。或自太陽始。一經六日至厥陰。邪氣衰。不傳而愈者。亦有不罷再傳者。或有間經而傳者。或有傳至二三經而止者。或有始終只在一經者。或有越經而傳者。或有

初入太陽。不作鬱熱。便入少陰。而成真陰証者。或有直中陰經而成寒証者。緣經無明文。後人有妄治之失。若夫自三陽傳次三陰之陰証。外雖。內則熱邪耳。若不發熱。四肢便厥冷。而惡寒者。此篇之寒証也。自叔和世說之。混使後人蒙害者夥矣。夫太陽受邪。行盡三陽。氣分傳次三陰。血分則熱入深矣。熱入既深。表雖厥冷。真熱邪也。經云亢則害承。乃制熱極。反蕙寒化也。若先熱後厥逆者。傳經之陰証也。經云厥深熱亦深。厥微熱亦微是也。故宜四逆散承氣湯。看微甚而治之。如其初病便厥。但寒無熱。此則直中陰經之寒証也。急宜四逆輩以溫之。經云發熱惡寒者。發於陽也。無熱惡寒者。發於陰也。尚何疑哉。又有日傳二經。為兩感者。

傳經未終。而斃矣。病有標本。治有逆從。豈可槩論之乎。曰陰證之不同。已聞命矣。嘗讀劉守真書云。傷寒無陰證。人傷於寒。則為熱病。熱病乃汗病也。造化汗液。皆陽氣也。徧考內經靈樞諸篇。並無寒證。陰證乃雜病也。叔和誤入之耳。守真高明之士。亦私淑仲景者。而議論之異。又何耶。曰雖守真之明達。蓋亦因傷寒論。以桂枝麻黃湯。通治溫暑之誤。而有是說。故叮嚀云。天道溫熱之時。用桂枝湯。必加涼藥於其中。免致黃生斑出之患。若
時之溫暑。設則無此論。既年悟道。著病機氣宜保命集其中。羌活湯。辛涼之藥。以治非時傷寒。其妙如神。足可補仲景之遺亡。何其高哉。夫內經言傷寒。即為熱病。而無寒者。

貳段

語其常也。仲景之論。有寒有熱。不言其變也。合常與變。而無遺者也。所謂道並行而不相悖。而反相為用也。此其所以為醫家萬世之準繩標的也。而退遂請著其說於右云。

治傷寒用藥

凡證有頭疼惡寒。皆是傷寒。無則皆否也。何則。蓋傷寒則惡寒。傷食則惡食。理固然也。但在冬時。惡寒為甚。蓋冬時為正傷寒。天氣嚴凝。風寒猛烈。觸冒之者。惡寒殊甚。其餘時月。雖有惡寒。亦微。未若冬時之惡寒為甚也。雖四時皆有傷寒。治之不可一槩論也。冬時氣寒。腠理微密。非辛其溫不可。故以桂枝等湯。以治之。然風飭寒常相因。寒傷榮。惡寒頭痛。脈浮緊。而無汗。則用麻黃湯。開發腠理。以散邪。得汗即愈。則傷衛頭。

痛惡風。脈浮緩而自汗。則用桂枝湯。充塞腠理。以散邪。汗止即愈。經云。辛甘發散。為陽者是也。若夫榮衛俱傷。又非此二湯所能治也。須大青龍湯。然此湯太峻。又非庸俗所可擬也。予亦有代之者。蓋冬時。為正傷寒。天氣嚴凝。風寒猛烈。觸胃之者。必宜用辛溫散之。其非冬時。亦有惡寒。頭疼之證。皆宜辛涼之劑。通表裏和之。則愈矣。若以冬時所用桂枝辛溫之藥。通治之。則殺人多矣。曰。辛涼者何。羌活沖和湯是也。兼能代大青龍為至穩。

神乎。但庸俗輩所未知也。少陽陽明二經。在乎半表半裏。肌肉之間。脈亦不浮不沉。外證在陽明。則有目疼鼻乾。不得眠之證。脈似洪而長。以葛根湯解肌。升麻湯之類治之。在少陽。則胸脇痛。而耳聾。脈見弦數。以小柴胡湯加減而和之。本方有加減法。此二經不從標本。從乎中治。余嘗以小柴胡湯加葛根芍藥治少陽。月合病如拾芥。但不使世俗如此奇妙耳。過則一為入裏。大便作實。其

外證悉罷。謂無頭痛。更甚也。脈見沉實不浮。謔語惡熱。六七日不大便。口燥咽乾而渴。輕則大柴胡湯。重則三乙承氣湯。選用。或曰。邪既入裏。而作實。無非大黃苦寒之藥。除下之。何其用方之雜。還也。余曰。傳來非一治之。乃殊耳。病有三焦俱傷者。則痞滿燥實俱全矣。則宜大承氣湯。厚朴苦溫以去痞。枳實苦寒以泄滿。芒硝鹹寒以潤燥。軟堅。大黃苦寒以泄實。去熱病斯愈矣。邪在中焦。則有燥實堅三證。故用調胃承氣

湯以甘草和中。芒硝潤澤。大黃泄實。不用枳實厚朴。以傷上焦受傷。則為痞實。用小承氣湯。枳實厚朴除痞。大黃以泄實。去芒硝。則不傷下焦血分。之真陰。謂不伐其根也。若夫大柴胡湯。則有表邪。尚未除。而裏證又急。不得不下。只得以此湯。通表裏而緩治之。猶有老弱及血氣兩虛之人。不宜用此三陽之邪。在裏為患。春夏秋有不頭痛惡寒而反渴者。此則溫病也。暑病亦然。此之溫病。猶加熱也。治宜加減小柴胡湯。蓋此湯春可治溫。夏可治暑。宜升麻葛根湯。解肌湯。敗毒散。中暑而渴者。宜白虎湯。看渴微甚。而用之。無不效。經曰。發熱不溫。寒而渴者。溫病也。若夫陰證。則別有法。不在此例矣。

傷寒言證不言病

夫傷寒言證不言病者。厥有旨哉。證之一字。有明證。見證。對證之義存焉。如婦以證。姦賊以證。五乃以證。殺不容辭。而無所逃其情矣。且人之中藏而不見者。若夫口鼻耳目。則露而共見者也。五臟受病人焉。能知之。蓋有諸中。必形諸外。肝有病。則目不能視。心有病。則舌不能言。脾有病。則口不知味。肺有病。則鼻不聞香。腎有病。則耳不聽聲。以此言之。則證亦親切矣。况風寒之中。人受之。必有經絡部分。一或傷之本經之證見矣。更能以脈參之。庶無差忒矣。吾故曰。傷寒言證耳。如太陽傷寒。為表之表。其經行身之後。從頭下至足。則頭項痛。腰脊強之證。見於項背也。惡寒證。亦在表。

蓋傷寒惡寒傷風惡風太陽為寒水之經。凡見惡寒便為在表。最為的當。傳至陽明之經。則不惡寒。便不宜發表。如有一毫頭痛惡寒。尚在太陽。便是表證未罷。不可攻裏。故戒曰發表不開。不可攻裏。此事不明。殺人至速。又曰。凡嘔者。不可下。經曰。嘔多。雖有陽明證。不可攻。攻之為逆。心下硬者。不可下。切宜仔細。陽明經為表之裏。其經行身之前。夾鼻絡於目。故目痛鼻乾不眠。少陽經行身之側。為半表半裏。始於目。銳眥循脇絡於耳。交於膺。脇痛而耳聾。此三經病之易見。蓋如此。更當辨脈。脈之若太陽經。則有二證。一為傷寒。一為傷風。脈浮緊。惡寒無汗。為傷寒。脈浮為在表。緊為有寒。表受寒邪。而未入裏。宜麻黃湯。辛甘溫之劑。以發之。

冬用正藥。三時用羌活湯。此皆有惡寒頭痛。為在太陽之表。尚未傳入裏。通宜發而散之。若在陽明。則脈微洪而長。按之皮膚之下。肌肉之間。此非表。裏而為在經。或渴用葛根湯以解肌。少陽經則小柴胡湯以和之。有大柴胡湯。此二經者。不從標本。從乎中治也。中之下。即肌肉之下。筋骨之間也。脈按之沉數有力。則為熱入陽明之本。宜大柴胡湯。三承氣湯。看燥結微甚。而下之前。之所云。惡寒頭痛。俱通治。脈不浮而沉實有力。此為表證罷而裏證。且宜泄去其胃中實熱。而愈矣。若老弱產虛。或帶表證。必須下者。皆用大柴胡湯。脈若沉遲。微弱無力。則又為證也。宜溫而不宜下也。謹之。

夫極則

真水化

九經言尸厥厥冷

等語皆變文耳不可以論

上經三十四也

輕重若言四肢則有異也亦不可純為寒証若厥冷直至臂脛以上則為真寒無疑矣急用姜附等藥溫之少緩則難療矣謂其寒上過乎肘下過乎膝非內有真寒達於四肢而何然更當與脈并所兼之證參之庶乎其無誤也凡看傷寒不

可以厥逆便斷為寒必須以脈兼證參之方知端的如手足厥逆兼之以腹痛腹滿泄利清白小便亦清口不渴惡寒戰慄面如刀刮皆寒證也若腹痛後重泄利稠粘小便赤澀渴而好飲皆熱證也宜詳審之

傷寒用浮中沉三脉法

夫傷寒治之得其綱領不難也若求之多岐則支離破碎而難矣何謂也脉證與理而已予嘗以浮中沉三脉詳而治之無所遁其情也既云傷寒則寒邪自外入內而傷之也其入則有淺深次第自表達裏以此推之而不難也若夫風寒之初入必先太陽寒水之經此經本寒標熱更有惡風惡寒頭痛脊強之證寒蟬皮毛是為表證若在他經則無此證矣脉若

浮緊無汗為傷寒。以麻黃湯發之。得汗為解。浮緩有汗為傷風。用桂枝湯散邪止汗為解。若無頭痛惡寒。脈又不浮。此為表證罷。而在中者。何表裡之間也。乃陽明少陽之分。脈不浮不沉。在乎肌肉之間。謂皮膚之下也。然亦有二焉。若微洪而長。即陽明脈也。外證目痛鼻乾。不得眠。用葛根湯以解肌。脈弦而數。少陽脈也。其證胸脇痛。而耳聾。如見此證。此脈以小柴胡湯和之。蓋陽明少陽不從標本從手中治也。過此則邪入裏。為執實。脈不浮而沉。沉則以指按至筋骨之間。方是若脈來沉實有力。外證則不惡風寒。而反惡熱。譫語大渴。六七日不大便。明其熱入裏。而腸胃燥實也。輕則大柴胡湯下之。重則三承氣湯選用。大便通而熱愈矣。若脈來沉遲無力。此

為陰證。更當看外證如何。輕則理中湯。重則姜附四逆湯。必溫之。今將浮中沉三脈。列圖於後。可熟玩之。

傷寒以脈大浮數。動滑為陽。沉澀弱弦。微為陰。然脈理精深。初學未能識察。予謂傷寒之中人。由淺入深。先自皮膚肌肉。次入腸胃筋骨。以浮中沉三脈候之。似乎無所遁乎。其情矣。列為三圖。圖下就註證治之法。則陰陽表裏易見。使因脈以知證。緣證以明治。以此達彼。由粗入精。亦可以為初學之階梯也。歎究其至極。必須潛心熟玩。仲景之書。庶幾可以入道矣。

浮

浮初排。指於皮膚之上。輕手按之。便得口浮。此脈寒邪初入足太陽經。病在表之標。可發而去之。雖然治之。則有二焉。寒傷

榮則無汗惡寒。用麻黃湯。風傷衛則有汗惡風。用桂枝湯。一通一塞不可同也。

浮緊有力無汗惡寒頭痛項強發熱。此為傷寒在表。宜發散。冬時用麻黃湯。餘三時皆用羌活沖和湯。有渴加石膏。知母。無渴不用加。

浮緩無力有汗惡風頭痛項強發熱。此為傷風在表。冬時用桂枝湯。餘三時皆用加減沖和湯。腹痛小建中湯。痛甚桂枝加大黃湯。

中

中按至皮膚之下。肌肉之間。畧重按之乃得。謂之半表半裏證也。然亦有二焉。蓋少陽陽明二經不從標本從乎中也。

伍陵

長而有力。此為陽明證。有頭疼眼腫痛。鼻乾不得眠。發熱無汗。葛根湯。解肌湯。若渴而有汗不解。或經汗過不解。而流白沫。湯或加人參。無汗不渴。並不可服。則為大患。

弦而數。此為少陽經。其證胸脇痛。而耳聾。或往來寒熱而嘔。俱用小柴胡湯。加減法。若兩經合病。則脈弦而長。此湯加葛根芍藥。

沉

沉重手按至肌肉之下。筋骨之間。方得。此為沉脈。亦有二焉。陰陽寒熱在脈。脈中分。若沉而有力。則為陽。為熱。沉而無力。則為陰。為寒也。

沉數有力。則為陽明之本。表解熱入於裏。惡寒頭痛悉除。反覺。

惡熱欲揭衣被揚手擲足譫妄狂躁口燥咽乾五六日不大便輕則大柴胡湯重則三承氣湯選用

沉遲無力為寒外證無熱不渴反怕風寒或面上惡寒甚如刀刮或腹滿脹痛泄利小便清白或大小腹痛皆為陰證輕則一理中湯重則四逆姜附湯

傷寒至沉脈方分陰陽仔細體認下藥不可造次倘有差失咎將歸已凡診脈須分三部九候每部必先浮於三候輕輕手在皮膚之上候脈來三動是也中診三候沉診三候三而三之而成九候然後知病之淺深表裏以為處治之標的豈可忽畧於脈而欲求病之所在乎明脈識證辯名定經得乎心而應乎手如此而治有枉死者吾不信也若脈證不明處方

無法狂妄行醫視人命如草芥他日不受天殃吾亦不信也

傷寒傳足不傳手經辨

傷寒傳足不傳手經者俗醫之謬論也豈有是哉人稟天地之氣以生請以天地間可證者言之盈天地至大而運行者莫如元氣與水且有形論之則江河湖海溪澗溝澮以為行水滯水之道為人之充滿一身無非血氣亦有十二經脈大小絡脈血海以為行血停血之隊道風行水動氣行血流自然之理也夫人之氣自平旦會於臍中朝行於太陽肺經以次分布諸經行盡周天三百六十五度在人則行三百六十五骨節明日寅時復會於手太陰也血亦隨氣流布運行不息榮衛一身腠理司開闔維持綱紀以為一身動靜云為之

陸陵

主所以一脈愆和則百脈皆病。理固然而不得不然也。彼云傳足不傳手者。何所據乎。請備言其所由。蓋傷寒者。乃冬時感寒。即病之名也。冬乃坎水用事。其氣嚴寒。凜烈水冰地凍。在時則足太陽少陰正。司其令。觸胃之者。則二經受病。其次則足少陽厥陰。繼冬而司春令。而亦受傷何也。蓋風木之令。起於大寒節。正當十二月中。至春分後。方行溫令。故風寒亦能傷之。足陽明太陰中上也。與冬時無預。而亦傷之何也。紫陽朱子曰。土無定位。無成名。無專氣。寄旺於四季。能終始萬物。則四時寒熱溫涼之氣。皆能傷之也。况表邪傳裏。必歸於脾胃。而成燥糞。用承氣湯以除去之。胃氣和矣。手之六經。主於夏秋。故不傷之。足之六經。蓋受傷之。方分境界也。若言傷

足不傷手。則可以為傳足不傳手。則不可也。况風寒之中。必先入榮衛。晝夜循環。無所不至。豈間斷於手經哉。經云。既感於寒者。大日死。若三陰二陽五臟六腑皆受病。榮衛不行。臟腑不通。則死矣。豈虛言哉。嘗觀此事。難知。曰傷寒至五六日間。漸變神昏不語。或睡中獨語一二句。目赤唇焦。舌乾不飲水。稀粥與之。則嚙不與。則不思。六脈沉數而不洪。心下不痞。腹中不滿。大小便如常。或傳之十日以來。形如醉人。此熱傳手少陰心經也。然未知自何經而來。答曰。本太陽傷風。風為陽邪。陽邪傷衛。陰血自燥。熱畜膀胱。壬病逆於丙。丙丁兄妹。由是傳心。心火自上而逼肺。所以神昏也。梔子黃芩黃連湯。若在丙者。導赤散。在丁者。瀉心湯。若脈浮沉俱有力者。是丙

丁中俱有熱也。可導赤瀉心。各半服之宜矣。此膀胱傳丙足傳手經也。又謂之腑傳臟也。下又傳上也。表傳裏也。壬傳丁者。乃坎傳離也。名曰經傳。氣逆而喘者。非肺經乎。如謂不然。何仲景桂枝麻黃二湯。乃心肺藥也。請試思之。

結胸解

結胸之證。嘗見俗醫。不問曾下。與未下。但見心胸滿悶。便與枳梗湯。便呼為結胸。蓋本朱奉議之說也。有頻頻與之。反成真結胸者。殊不知結胸。乃下早而成。未曾經下者。非結胸也。乃表邪傳至胸中。未入於腑。證雖滿悶。尚為在表。正屬少陽部。分為半表半裏之間。只消小柴胡加枳殼。以治如未效。則以本方對小陷胸湯一服。豁然其妙如神。秘之不與俗人言之。

若因下早而成者。方用陷胸湯丸。分淺深從緩而治之。不宜太峻。上焦乃清道至高之分。若過下。則傷元氣也。慎之。曾讀仲景傷寒論結胸條。云病發於陽而反下之。熱入因作結胸病。發於陰而反下之。因作痞滿。所以成結胸者。以下太早故也。及成氏註釋曰。發熱惡寒者。發於陽也。無熱惡寒者。發於陰也。再三熟玩。不能不致疑於其間。蓋無熱惡寒者。即寒直中陰經之真寒證也。非陽經傳至陰經之病也。若誤下之不死則危矣。豈可以瀉心湯寒熱相參之藥治之而愈乎。豈反輕如結胸者乎。詳此恐言榮衛陰陽也。風屬陽。陽邪傷衛。頭疼發熱。微盜汗出。反惡風者。常服桂枝湯。止汗散邪。醫不達而下之。衛氣重傷。胸中結硬。經又云。結胸證。脈浮大者。不

可下。下之即死。結胸證悉具。而煩燥者亦死。蓋衛出上焦。清道受傷。不為不重也。故用陷胸湯。峻利之藥。以下之。寒為陰。陰邪傷榮。當以麻黃湯發表。誤下之。而成痞滿。宜瀉心湯以理痞。蓋榮出中焦。黃連能瀉心。下之。痞邪下於膈。不犯清道。則元氣不傷。故輕於結胸耳。若陰經自中之寒。以瀉心湯理之。而愈者。則吾不信也。夫以藥驗證。愚見如此。然未敢以為必當候明哲證之。

傷寒寒熱論

趙嗣真曰。明理論云。往來寒熱者。邪正分爭也。邪氣之入者。正氣不與之爭。則但熱而無寒。若邪正分爭。於是寒熱作也。蓋以寒邪為陰。熱邪為陽。裏分為陰。表分為陽。邪之客於表。

茶後

為寒。邪與陽爭。則為寒。邪之入於裏也。為熱。邪與陰爭。則為熱矣。若邪在半表。半裏之間。外與陽爭。而為寒。內與陰爭。而為熱。表裏之不拘。內外之無定。由是寒熱日往且來。日有至於三五發。甚者十數發也。若以陰陽二氣相勝。陽不足。則先寒後熱。陰不足。則先熱後寒。此則論雜病。陰陽二氣自相乘勝然也。非可以語傷寒。斯論為精切。深合仲景之意。蓋不唯釋疑。活人書而已也。又按河間言。惡寒為寒。在表。或身熱。惡寒為熱。在皮膚。寒在骨髓者。皆誤也。而活人書亦以此為表裏言之。故趙氏曰。詳仲景論。止分皮膚骨髓。而不曰表裏者。蓋以皮膚。向筋骨。五者。素問以為五臟之合。主於外。而充於身者也。唯曰臟曰腑。方可言表裏可見。皮膚即骨髓之上。

外部浮淺之分。骨髓即皮膚之下。內部深沉之分。與經絡屬表臟腑屬裏之例不同。况仲景出此例證於太陽篇首。其為表證明矣。是知虛弱素寒之人。感邪發熱。熱邪浮淺。不勝沉寒。故外怯而欲得近衣。此所謂熱在皮膚。寒在骨髓。藥用辛溫。至於壯盛素熱之人。或酒客。感邪之初。寒未變熱。陰邪蔽其伏熱。陰凝於外。熱蓄於內。故內煩而不得近衣。此所謂寒在皮膚。熱在骨髓。藥用溫涼必矣。一發之餘。表解裏和。此仲景不言之妙。若以皮膚為表。骨髓為裏。則麻黃湯證。骨節疼痛。其可名為有表。復為有裏之證耶。然仲景傷寒一書。人但知為方家之祖。而未解作秦漢文字觀。故於大經大法之意。反有疑似。而後世賴其餘澤者。往往顛輯傷寒方論。其間

失其本義。穿鑿者亦有之。好以雜病為論。但引其例者乎。

論傷寒少陰發熱。反用藥不同。

趙嗣真曰。詳仲景發汗湯劑。各輕重不同。如麻黃湯。桂枝湯。青龍各半。越婢等湯。各有差等。至於少陰發汗二湯。雖同用麻黃附子。亦有加減輕重之別。故以加細辛為重。加甘草為輕。辛散其緩之義也。其第一證。以少陰本無熱。今發熱。故曰反也。其發熱為邪在表。而當汗。又兼脈沉。屬陰而當溫。故以附子溫經。麻黃散寒。而熱須汗解。故加細辛。是汗劑之重者。第二證。既無裏寒之可溫。又無裏熱之可下。其所以用麻黃附子之義。則是脈亦沉。方可名曰少陰病。身亦發熱。方可行發表藥。又得之二三日。病尚淺。比之前證。亦稍輕。故不重。言脈

證。而但曰微發汗。所以去細辛。加甘草。是汗劑之輕者。使脈不沉。身不熱。又無他證。是無病人也。又何藥焉。仲景本分作兩證。以別汗劑之輕重。活人書却與第二證中。除去無證兩字。改作嘗見少陰熱。無陽證者。如經云。心中煩。不得眠。或咽瘖聲不出者。或軟而嘔。渴。或口燥。咽乾。腹脹。不大便。數證。皆是也。夫豈麻黃附子甘草湯發汗劑。所可治耶。抑又有聞焉。麻黃附子細辛湯。為治少陰病之。脈沉。反發熱者。用也。而仲景又有四逆湯。治太陽病之發熱。反脈沉者。均為之反也。仲景云。病發熱。頭痛。脈反沉。若不瘥。身軀疼痛者。當救其裏。宜四逆湯。此證出太陽篇。又云。少陰病。始得之。反發熱。欲沉者。麻黃附子細辛湯。此證出少陰篇。切詳太陽病發熱頭痛法。

壹段

當脈浮。今反沉。少陰脈沉。法當無熱。今反熱。仲景於此兩證。各言反者。謂反常也。蓋太陽病。脈似少陰。少陰病。脈似太陽。所以謂之反。而治之當異也。今深究其旨。均是脈沉發熱。以其有頭痛。故謂太陽病。陽證當脈浮。今反不能浮者。以裏虛久寒。正氣衰微所致。又身體頭痛。故宜救裏。使正氣內強。區邪外出。而乾姜生附子亦能出汗。而解。假使裏不虛寒。則當見脈浮。而正屬太陽。麻黃證也。均是脈沉發熱。以其無頭痛。故名少陰病。陰病當無熱。今反熱。邪在表。未傳在裏。但皮膚腠理鬱閉。為熱。而在裏。無熱。故用麻黃細辛以發表。間之。熟附子以溫少陰之經。假使寒邪入裏。則外必無熱。當見吐利。逆厥等證。而正屬少陰。四逆湯證也。由此觀之。表邪浮淺。

四逆湯
姜附草

桂枝湯
桂枝
芍藥
生姜
炙甘草

發熱之反猶輕。正氣衰微。脉沉之反為重。此四逆為劑。不為不重。於麻黃附子細辛湯也。又可見熱附配麻黃。發中有補。生附配乾姜。補中有發。仲景之旨。微矣。嗟夫。常病用常法。夫誰不知。設有證變者。或脉變者。往往疑似參差。夫欲以常法例治之。惑矣。如仲景所論太陽少陽兩證。脉沉發熱。雖同而受病。與用藥自別。此實證治之奇異。醫發之玄微。故併及之耳。

論傷寒兩感

趙嗣真曰。仲景論兩感為必死之證。而後以治有先後。發表攻裏之說。繼之者。蓋不忍坐視。而欲覘其萬一之可活也。活人書云。宜先救裏。以四逆湯。後救表。以桂枝湯。殊不知仲景云。太陽與少陰俱病。則頭疼為太陽。邪盛於表。口乾而渴為少

陰。邪盛於裏也。陽明與太陰俱病。則身熱。譫語為陽明。邪盛於表。不欲食。腹滿為太陰。邪盛於裏也。少陽與厥陰俱病。則耳聾。為少陽。邪盛於表。囊縮為厥陰。邪盛於裏也。三陽之頭痛。耳聾。身熱。救表也。不可汗乎。三陰之腹滿。因乾口渴。囊縮。而厥救裏也。不可下乎。活人書引下利身疼痛。虛寒救裏之例。而欲施於煩渴腹滿。譫語囊縮。熱實之證。然乎否乎。蓋仲景所謂發表者。葛根麻黃是也。所謂救裏者。調胃承氣是也。活人書却謂救裏則是四逆。救表則是桂枝。今以救為攻。豈不相悖。若用四逆湯。是以火濟火。而腹滿囊縮等證。何由而除。臟腑何由而通。榮衛何由而行。六日死者。可坐而待也。吁。兩感病。故為不治之證矣。然用藥之法。助正除邪之理。學者

不可。素無一定之法於胸中也。

傷寒合病併病論

趙嗣真曰。愚嘗疑合病併病之難明也。久矣。因始釋之。合病者。二陽經。或三陽經。同受病。病之不傳者也。併病者。一陽經先病。又過一經。病之傳者也。且如太陽陽明併病一證。若併而未盡。是傳未過。尚有表證。仲景所謂太陽證不罷。面色赤。陽氣拂鬱在表。不得發越。煩燥短氣是也。猶當汗之。麻黃桂枝各半湯。若併之已盡。是為傳過。仲景所謂太陽證罷。潮熱手足汗出。大便硬而譫語者是也。法當下之。以承氣湯。是知傳則入腑。不傳則不入腑。所以仲景論太陽陽明合病止。出三證。如前於太陽陽明併病。則言其有傳變如此也。又三陽互

貳段

相合病。皆自下利。仲景太陽陽明合病。則主於葛根湯。太陽少陽合病。主以黃芩湯。少陽陽明合病。主以承氣湯。至於太陽少陽併病。其證頭項強痛。如結胸。心下痞硬。當刺大椎。肺膈。肝膈。不可汗下。太陽陽明併病。已見上論。但三陽合病。仲景無替強惡寒語句。雖別有口燥渴。心煩。皆微惡寒者。乃屬太陽證。而非三陽合病也。三陽若與三陰合病。即是兩感。所以三陰無合病例也。

傷寒變溫熱病論

趙嗣真曰。按仲景論。謂冬月冒寒。伏藏於肌膚。而未即病。因春溫氣所變。則為熱。夫變者。改易之義也。至此則伏寒各隨春夏之氣。改變為溫。為熱。既變之後。不得復言其為寒也。所以

仲景云。溫病不惡寒者。其理可見矣。活人書發於溫病曰。陽一熱未盛為寒所制。豈有伏寒既已變而為溫。尚可言寒能制其陽熱邪。又於熱病曰。陽熱已盛。寒不能制。亦不當復言其為寒也。蓋是春夏陽熱已變。其伏寒即非有寒能制其陽熱耳。外有寒邪能折陽氣者。乃是時行寒疾。仲景所謂春分已後。秋分節前。天有暴寒為時行寒疾是也。三月四月。其時陽氣尚弱。為寒所折。病熱則輕。五月六月。陽氣已盛。為寒所折。病熱則重。七月八月。陽氣已衰。為寒所折。病熱亦微。是知時行寒疾與溫熱二病。所論陽氣盛衰。時月則同。至於論暴寒之寒。與伏寒已變之寒。自是相虛。名不正。則言不順矣。仲景又云。其病與溫及暑病相似。但冷有殊耳。要在辯其病源。於

熱溫三者之殊。則用藥之冷熱。判然矣。趙氏為活人書釋云。曰。活人書之可疑者。甚多。仲景論亦有可疑者。如白虎湯。何景既云。表不解者。不可與之。白虎加人參湯。證一曰。惡風。一曰。惡寒。豈非表不解。而復用白虎何耶。蓋惡風曰微。則但見於背而不至。甚於惡寒。曰時時則時。或乍寒而不常。是表證已輕。非若前發脈浮緊發熱。無汗全不解者。此則加大熱大渴。所以用白虎而無疑也。又曰。仲景論太陽病得之八九日。如瘧狀。發熱惡寒。熱多寒少。其人不嘔。清便欲自可。一二三度發脈微緩者。為欲愈。若脈微而惡寒者。此陰陽俱虛。不可便發汗。更下更吐也。面色反有赤色者。未欲解也。以其不能得小汗出。其身必痒。宜桂枝麻黃各半湯。仲景之意。蓋

參攷

以病得之八九日如瘧狀發熱惡寒熱多寒少十六字為自初至今之證下文乃是已後擬病防變之辭當分作三截看若其人不嘔清便欲自可一日二三度發脈浮緩為欲愈此一節乃表和無病而脈微者邪氣微緩也陰陽同等脈證皆向安之兆可不待汗而欲自愈若脈微而惡寒者此陰陽俱虛不可更汗更下更吐之此一節宜溫之若面色反有赤色者未欲解也以其不能得少汗出其身必痒宜桂枝麻黃各半湯此一節必待汗而愈也活人書不詳文意却將其人不嘔清便欲自愈九字本是愈之證反以他證各半湯汗之又將不可汗吐下證及各半湯證語句並脫畧而不言取比證而用彼藥汗其所不當汗何也若是可見仲景文法多如此學者必須反覆詳玩熟觀其意其例自見則治不差故趙氏嗣真曰仲景之書一字不同則治隔霄壤讀之者不可不以片言隻字以求其意歟

溫病辯

問曰傷寒溫病可以脈辯答曰溫病於冬時感寒所得也至春變為溫病耳傷寒汗下不愈而過經其證尚在而不除者亦溫病也經曰溫病之脈行在諸經不知何經之動隨其經之所在而取之如太陽證惡寒汗下後過經不愈診得尺寸俱浮者太陽病溫也如身熱目疼汗下後過經不愈診得尺寸俱長者陽明病溫

也。

如胸脇痛。汗下後。過經不愈。診得尺寸俱弦者。少陽病。溫也。
如腹滿。噎乾。診得尺寸俱沉細。過經不愈。太陰病。溫也。
如口燥。舌乾而渴。診得尺寸俱沉。過經而不愈者。少陰。溫病也。

如煩滿。囊縮。診得尺寸俱微緩。過經不愈者。厥陰病。溫也。
是故隨其經而取之。隨其證而治之。如發斑。乃溫毒也。
治溫大抵不宜發汗。過時而發。不在表也。已經汗下。亦不在表也。經曰。不惡寒而反渴者。溫病也。明其熱自內達外。無表證明矣。

凡看傷寒。且要識各經中死證。死脈。親切。須一一理會。過
致。臨病疑惑。但見死證。便以脈忝之。如果有疑。切莫下藥。至親。免亦不可治。倘有差失。各將歸於己矣。

雜病諸病方法

前引

死生脈候

陽病。熱證不退。反似陰脈凶。

汗後熱退。陰脈瘡。

陰陽諸證。脈平吉。

傷寒。咳逆上氣。脈散者凶。

脈浮而滑。身汗如油。喘息不休。水漿不入。身體不仁。乍靜乍喘者死。汗出髮潤。喘不休者。肺先絕也。
陽反獨。暈。如烟熏。直視。搖頭。心先絕也。

喉吻反青。四肢濺濺汗出。肝先絕也。

環口靨黑。虛汗發黃。脾先絕也。

三部緊盛。大汗出。不解者死。

陰陽尺寸俱虛。熱不止者死。

身熱喘麤。見陽脈而燥者死。

汗後微熱不解。未可言死。如轉索者。即日死也。

譫語微熱。脈浮大。手足溫。欬汗出。脈暴出者死也。

陰衰欲絕。而陽暴獨勝。則脈出一日。陰氣先絕。陽氣後竭死。

逆冷。脈沉細者。一日死。

死證雖多。至於危極處。無過死也。

凡有傷寒。初學後生。不可輕易治之。治其病之可曉者。缺其不

肆段

可曉者。胸中證。不明白。有一毫疑惑。不可強治。故君子不

其所不能。若不量力。矜於親故。或見利而動。輕易玩弄。人

命如草芥。非君子之用也。謹而敬慎。毋怠毋忽。

初得傷寒。一二月。頭痛惡寒。皆除。便覺胸中連臍腹注悶。頭疼

痛。脈沉有力。坐臥不安。上氣喘促。不候他證。便可用下藥。若

頭項強痛。惡寒發熱。每日如此。不可以日數多少。病尚在太

陽經。正宜發汗。要在隨所見者。表裏而治之。不必拘於日數

也。若煩渴。欬飲水。由內水須竭。欬得外水。自救耳。大渴欬飲

一升。止與一半。常令不足。不可過飲。若過飲水。重則為水結

之證。射於肺。為喘。為咳。留於胃。為噎。為噦。溢於脾。為腫。畜於

下焦。為癰。皆飲水之過也。病若經十餘日以上。有下證者。止

宜大柴胡湯。恐承氣太峻。蓋傷寒過經。則正氣多虛。故也。
病七八日。未得汗。大便閉。發黃生斑。譫語而渴。越婢桃仁湯主之。

病八九日。已經汗下。脉尚洪數。兩目如火。五心煩熱。狂叫欲走。三黃石膏湯主之。

病五六日。但頭汗出。身無汗。際頸而還。小便自利。渴飲水漿。此瘀血證也。宜犀角地黄湯。桃仁承氣湯。看上下虛實。用犀角地黄湯治上。桃仁承氣湯治中。抵當湯治下也。

病六七日。別無刑尅證候。忽然冒昧。不知人事。六脉俱靜。或至無脉。此欲汗勿攻之。如夕旱將雨。六合陰晦。雨後庶物皆甦。換陽之吉兆也。夫今人治傷寒。一二日間。不問屬虛屬實。便

用桂枝湯之類。以汗之。三五日後。不問在表在裏。便以承氣湯之類。以下之。多致內外俱虛。諸變蜂起。大抵病人虛實表裏不同。所以邪之傳變有異。豈可以日數為準。蓋有和傳者。有傳一二經而止者。有始終只在一經者。不必拘始太陽終厥陰也。

傷寒無出於仲景書。但文字深奧。非淺學可彷彿。況其殘缺頗多。晉人作全書。詮次其中。不可曉處。十有四五。苟未能統之。有宗會之。有元未易窺測。臨病之際。不能無惑。必須破的。而後用。又恐病危。有所不逮。既不可不救。又不可失之。苟且今備此數事。以備緩急之用。非博雅通醫之所尚。

已上畧引東垣先生引舉

陰證

四逆湯
附子 乾姜
甘草
如葱白通陽
腹痛加芍藥
和倍
咽痛加桔梗
脈不出加人參
嘔吐加生姜

伍改

五積散
茯苓 肉桂
人參 以芍
厚精 半夏
芍藥 當歸
麻黃 乾姜
甘草 枳殼
桔梗 陳皮
蒼朮 白芷

初病無熱便四肢厥冷或胸腹中滿或嘔吐腹滿痛下利脈無力此自陰證受熱即真陰證非從陽經傳來便宜溫之不宜少緩經云發熱惡寒者發於陽也無熱惡寒者發於陰也治宜四逆湯凡腹滿腹痛皆是陰證只有微甚不同治難一槩腹痛不大便桂枝芍藥湯腹痛甚桂枝大黃湯若自利腹痛小便清白便當溫理中四逆者微甚用輕者五積散重者四逆湯

無脈者通脈四逆湯使陰退而陽復也陰毒病手足指甲皆青脈沉細而急者四逆湯無脈者通脈四逆湯陰毒甘草湯臍中急鬱氣海關元着艾可灸二三百

仍用溫和補氣之藥通其內外以復陽氣若俱不效死證也傷寒陰證難看凡看傷寒惟陰證最難識自然陰證人皆可曉及至反常則不能矣如身不發熱手足厥冷好靜沉默不渴泄利腹痛脈沉細人共知為證矣至於發熱面赤煩燥不安揭去衣被飲冷脈大人皆不識認作陽證誤投寒藥死者多矣必須憑脈下藥至為切當不問浮沉大小但指下無力按至筋骨全無力者必有伏陰不可與涼劑急與五積散一服通解表裏之寒隨手而愈但更有沉寒之甚須用姜附以退之秘之勿泄脈雖洪大按之無力者重按全無便是陰證凡治傷寒尺脈弱而無力者切忌汗下宜小柴胡湯和解之陽毒傷寒服藥不效斑爛皮膚手足皮俱脫身如塗珠眼珠如

易經卷之三十一 五十五

火燥渴欲死。脉洪大而有力。昏不知人。宜三黃湯石膏主之。
凡看傷寒。須問病人。有何疼痛處所苦。所飲食大便。併服過何
藥。問有吐蛔者。雖有大熱。忌下涼藥。犯之必死。蓋胃中有寒。
則蛔入上膈。大凶之兆。急用炮乾姜理中湯。加烏梅二箇煎
服。蛔安却。以小柴胡湯退熱。蓋蛔性聞酸則靜。見苦則安。故
也。
凡看傷寒。有口沃白沫。或唾多流冷涎。俱是有寒。吳茱萸湯理
中真武湯之類。看輕重用。切忌涼藥。裸病亦然。或用甘溫藥
補元氣。四君子湯。加附子一片。血虛用仲景八味丸。

傷暑

傷暑與傷寒俱有熱。若作傷寒治之。則不可。蓋傷形執傷

氣傷寒。則外惡寒。而脉浮。陰傷暑。則不惡寒。而脉虛。此為異
耳。經云。脉盛身寒。得之傷寒。脉虛身熱。得之傷暑。治宜小柴
胡湯。渴加知母石膏。或人參白虎湯。天久淫雨。溫令大行。蒼
朮白虎湯。若元氣素弱。而傷之重者。清暑益氣湯治之。

急下急溫

凡言急下。蓋病勢已迫。將有變也。非若他病。尚可少緩。如少陰
屬腎水。主口燥咽乾而渴。乃熱邪內炎。腎水將絕。故當急下。
以救將絕之水。如腹脹不大便。土勝水也。亦當急下。陽明屬
土。汗多熱盛。急下以存津液。腹滿痛。以為土實。急當下之。熱
病。目不明。熱不已者死。目睛不明。腎水已竭。不能照物。則已
危矣。須急下之。少陰急溫有二證。內寒已甚。陽和之氣欲絕。

宜急溫之無疑也。少陰病得之二三日。口燥咽乾。急下之大承氣湯。

少陰病自利。欲絕青色。心下必痛。口燥咽乾。急下之大承氣湯。

少陰病六七日。腹脹不大便。急下之大承氣湯。

陽明病發熱。汗多。胃汁乾。急下之大承氣湯。汗出不解。腹滿痛。

急下之大承氣湯。

少陰病。脈沉微。急溫之。四逆湯。

諸方

羌活沖和湯。用防風。細辛。蒼朮。黃芩。生地。同煎。三陽解表。益姜葱。

治太陽。無汗發熱。頭痛惡寒。脊強。脈浮緊。又治非冬時。天有

暴寒中人。亦頭痛惡寒發熱。通宜此湯治之。以代麻黃湯。

太陽經之神藥也。

羌活 錢半

防風 壹錢

蒼朮 錢半

黃芩 壹錢

川芎 壹錢

白芷 壹錢

甘草 壹錢

生地 壹錢

細辛 五分不可多

右水二鍾煎至八分。熱服。溫被蓋覆。取微汗。濕土司天。加蒼

朮壹錢半。天久淫雨。亦加知母。加石膏三錢。知母一錢。不渴

不加。

太陽傷風。有汗。脈治緩。

羌活 壹錢

防風 壹錢半

白朮 錢半

黃芩 壹錢

白芷 壹錢

甘草 壹錢

生地 壹錢半

川芎 伍分

右如前煎法。若一服汗還未止。加黃芩一錢伍分。芍藥一錢。

仍未止。以小柴胡加桂枝芍藥各一錢。

葛根湯內麻黃寒二味加入桂枝湯即加桂枝芍芍

治太陽病項背強急無汗惡風脈帶弦浮而發熱又治太陽與陽明合病必自利此湯並主之

葛根 壹錢 甘草 貳錢 麻黃 二錢去節湯泡二次

右水二鍾姜四片枣二枚煎服微覆取汗

解肌湯中葛桂芍芍芍麻黃與甘芍

治瘟疫天行頭痛壯熱春感青邪發熱而渴不惡寒

葛根 貳錢 桂枝 貳錢 黃芩 壹錢 芍藥 壹錢 麻黃 半錢

甘草 壹錢

右水二鍾棗二枚煎服如不解再取汗

獨活散內羌獨活羌防瓜芍麻黃人參細辛與甘芍茯苓蔓荆石膏菊

治傷風溫熱等病

羌活 獨活 枳殼 防風 黃芩 麻黃湯泡 人參

細辛 甘草多 茯苓 蔓荆子 甘菊花各壹錢 石膏

貳錢

右水二鍾生姜三片薄荷五葉同煎法

敗毒散茯苓枳桔柴胡羌獨

治傷風瘟疫風濕頭目昏眩四肢疼痛增寒壯熱項強目睛疼鼻常風眩拘急

羌活 獨活 前胡 柴胡 川芎 枳殼 桔梗 茯苓

人參 甘草

右各等分水二鍾如常煎服

六神通解散。麻黃。芍。石膏。蒼朮。滑石。

麻黃 貳兩

甘草 兩半

黃芩 貳兩

石膏 貳兩

滑石 貳兩

蒼朮 肆兩

治時行三日前。加葱白。香豉煎服。而汗之。立效。中病即止。不可盡劑。

小柴胡湯

治太陽病十日已去。脈細而嗜卧。外雖已解。設腦滿痛。與服之。若脈浮者。麻黃湯傷寒五六日。中風來往寒熱。胸脇苦痛。默默不飲食。心煩喜嘔。或煩而不嘔。或渴。求腹中痛。或脇下痞硬。或心下悸。小便不利。或不渴。身有微熱者。此湯主之。血氣弱。發理開。邪氣因入。與正氣相搏。結於胸下。邪正分爭。往

柴後

來。其熱休作。有時。默默不飲食。胸膈相連。其痛必下。邪高。下。致使嘔也。此湯主之。服柴胡湯已渴者。屬陽明。以法治之。傷寒五六日。身熱惡風。頭項強。脇下滿。手足溫。而渴者。此湯主之。傷寒。陽脈浮。陰脈弦。腹中急痛。先與小建中湯。不瘥者。此湯主之。太陽病。過經十餘日。發汗吐下後。四五日。陽證仍在者。先與小柴胡湯。嘔不止。心下鬱。微煩者。為未解也。與大柴胡湯。下之。則愈。婦人。中風七八日。續得寒熱。發作有時。經水適斷者。此為熱入血室。其血必結。致使如瘧狀。此湯主之。傷寒五六日。頭汗出。微惡寒。手冷。心下滿。不飲食。大便硬。脈細者。為陽微結。必有表。復有裏。冰沉亦裏也。汗出為陽。微假令。乃純陰。結不得復。有外證。悉入在裏。此為半在表。半在裏。

也。脉雖沉緊，不得為少陽病。所以然者，陰不得有汗也。今頭汗出，故知非少陰也。可與服此湯。設不了，得尿而解。傷寒五六日，嘔而發熱者，柴胡湯證具，而以他藥下之，柴胡證在者，復與小柴胡湯。雖下之，不為逆。必蒸蒸而振，却發熱汗出而解。若心下滿而腹之者，此為結胸也。大陷胸湯主之。但滿而不痛者，此為痞氣。柴胡不中與之。宜半夏瀉心湯。已上屬太陽經。陽明病，發潮熱，大便溏，小便自可，胸脇不利者，與此湯服之。陽明病，脇下硬滿，不大便而嘔，舌上白胎者，可與服之。上焦得通，津液得下，胃氣因和，濺然汗出而解。陽明中風，脉弦浮大，而短氣，腹部滿，脇下及心痛，久按之氣不通，鼻乾，不得卧，一身及自悉黃，小便難，有潮熱，時時濺身，前後腫，刺之。

少瘥，外不解，病過十日，脉續浮者，此湯主之。已上屬陽明經。太陽病不解，轉入少陽，脇下滿，乾嘔，不能食，往來寒熱，尚未吐下，脉沉緊者，此湯主之。若已吐下，後發汗，溫針譫語，小柴胡湯證罷，此為壞證，知犯何逆，以法治之。已上屬少陽經。嘔而發熱，宜服此湯。傷寒已後，更發熱，此湯主之。若脉浮者，以汗解之。屬陽明瘥後，勞復，脉證。

黃芩 壹兩半 若腹中痛，去芩，加芍藥壹兩半。若心下悸，小便不利，去芩，加茯苓壹兩。
人參 壹兩 若汗愈，若咳，嗽者，去參，加五味子壹兩，伍分。
大棗 壹兩 若腹下痞，硬，去棗，加牡蠣。
半夏 壹兩 湯泡，若胸煩，不嘔，去半夏。夏人參加。
柴胡 肆兩 去滓。
甘草 壹兩 半。

右每服七八錢。生薑四片。棗三枚。水一鍾煎服。

升麻湯中甘芍葛。
治傷寒中風頭痛。增寒壯熱。肢體疼痛。發熱惡寒。鼻中乾。不得卧。兼治寒暄。不時人多疾疫。乍寒脫着。及暴熱之頃。忽然變寒。身體疼痛。頭重如石。

升麻 甘草 芍藥 葛根 各等分

右每服七八錢。煎如常法。若老人去芍藥。加柴胡。茯苓。人參。各一錢。

五積散治五積

治陰經傷冷。脾胃不和。感冒寒邪。

茯苓 肆兩 肉桂 人參 川芎 各貳兩 厚精 半夏

枳實 當歸 麻黃 乾姜 各貳兩 甘草 枳殼 伍

炒 桔梗 貳兩 陳皮 捌兩 蒼朮 貳兩 白朮 肆兩

右十六味。除枳殼肉桂陳皮外。其餘並一處生搗為粗末。用酒拌勻晒乾。分作六分。大鍋內文武火炒令黃色。不得焦。攤冷。入枳殼肉桂陳皮一處和勻。每服五錢。水二鍾。姜三片。煎一鍾服。

三黃石膏湯。治連枕子麻黃淡豉全。

有傷寒發熱。脉大如滑。數表裏皆實。陽盛拂鬱。醫者不達。已發其汗。病勢不退。又復下之。大便遂頻。小便不利。五心煩熱。兩目如火。鼻乾面赤。舌燥齒黃。大渴過經。已成壞證。亦有錯治。諸溫而成此證者。又八九日。已經汗下。脉洪數。身體壯熱。

拘急沉重。欲治其內。由表未解。欲發其表。則裏證又急。趨起不能。措手待斃而已。殊不知熱在三焦。閉塞經絡。津液枯涸。榮衛不通。遂成此證耳。

石膏 兩半
梔子 拾箇
黃芩
黃連
黃柏 各柒錢
豉 貳合
麻黃

右每服一兩水。二鍾煎服。未中病。再服。其效如神。

傷寒已經汗吐下。誤治後。三焦生熱。脈復洪數。謔語不休。晝夜喘息。鼻加衄血。病勢不解。身目俱黃。狂叫欲走。三黃石膏湯主之。

陽毒傷寒。皮膚斑爛。身如凝血。兩目如火。十指皮俱脫。煩渴燥急。不寧。庸醫不識。莫能措手。命在頃刻。三黃石膏湯主之。婦

血風證。因崩漏大脫血。或前後去血。因而相燥。其熱未除。循衣摸床。撮空閉目。不省人事。揚手擲足。搖動不寧。錯語失神。脈弦浮而虛。內有燥熱之極。氣粗。鼻乾而不潤。上下通燥。此為難治。宜服生地黃黃連湯。

治男子去血多者。有此證。其妙不可勝言也。

川芎 生地黄 川歸 各柒錢
赤芍藥 梔子 黃芩
黃連 各叁錢 防風 壹兩

右每服五錢水。煎清。飲徐徐。呷之。脈實。可再加大黃下之。

大承氣湯。氣藥也。自外而之內者。用之。生地黄黃連湯。血藥也。自內而之外者。用之。氣血合病。循衣摸空。治同。自氣而之血。血而復之氣者。大承氣湯下之。自血而之氣。氣而復之血者。

生地黄黃連湯主之。二者俱不大便。此是承氣湯對子。又與三黃石膏湯相表裏。是皆三焦胸絡虛火之用也。病既危急。只得以此湯降血中之火耳。不但婦人用之。男子去血過多。而有此證者。皆宜服之。無不效。予故表而出之。

傷寒。脈浮。當汗。麻黃湯。若脈在筋骨之間。半表半裏。當和解。小柴胡湯。在筋骨之間。當下承氣湯。若又在筋骨之下。謂之陰證矣。其法理中。當用附子之類。

傷寒。頭暈。目痛。發熱。耳聾。脇痛。或往來寒熱。如瘧。此方治之。名和
解散。內柴黃。各人半。夏生。甘。此。
柴胡 貳錢 黃芩 壹錢 人參 壹錢 半夏 壹錢
甘草 壹錢

貳段

右水二鍾。生薑三片。枣子二枚。煎八分。不拘時服。如嘔逆。加姜九片。陳皮一錢。如頭痛惡寒。加羌活。防風各一錢。寒熱間作。加桂枝等藥各一錢。夏月中暑發熱頭痛。加黃連一錢。春天溫病時行。加生地黄用升麻一錢。瘧疾。或先寒後熱。先熱後寒。加川常山。尖檳榔半錢。各要未發時煎服。傷寒惡寒。頭項強。發熱前。方沖和湯內。去細辛。蒼朮。加白朮二錢。

傷寒總論

傷寒總論

治傷寒業擅專門。誠爲重密。論死生易如反掌。利莫苟圖。襍證
緩可取方。傷寒專在活法。原傷寒有活人書。明理論指掌圖。傷
寒論。其中有論。缺方者。有方。失論者。有脈。無證者。有證。無法者。
非仲景之全書。緣其歷年已久。遺失頗多。王叔和以斷簡殘篇。
而補方造論。成無已順文註釋。而集成全書。所以遺禍至今。而
未已也。較今庸俗。治傷寒一二日。不問屬虛屬實。而使用麻黃
桂枝之類。汗之三四日。不問在經在腑。而使用柴胡之類。和之。
五六月。不問在表在裏。而使用承氣之類。下之。以致內外俱虛。

餘杭節菴陶華

NATIONAL CENTRAL LIBRARY, TAIWAN, R.O.C.

變證蜂起。大抵病人表裏虛實不同。邪之傳變有異。豈可以日數爲准。蓋風寒初中人。無常或入於陰。或入於陽。事無定體。非但始太陽。終厥陰論也。或有自太陽如日傳一經。六日傳至厥陰。邪氣衰不傳而愈者。或不罷再傳者。或有即傳者。或有間經而傳者。或有傳至二三經而止者。或有始終只在一經者。或有越經而傳者。或有初入太陽。不作鬱熱。便入少陰。而成真陰證者。或有直中陰經。而成寒證者。或有證變者。或有脈變者。或有取證不取脈者。或有取脈不取證者。緣經無明。又後人有妄治之失。况前人立法之差。使後人蒙害者多矣。去麻黃桂枝二湯。仲景立治冬時正傷寒之方。今人通治。非時暴寒溫暑之誤。又將傳經陰症。與直陰經之陰症混同立論。豈爲善乎。暴寒溫

暑必有別方。直中傳陰必有活法。今皆忘失而幾微也。古人之書引領後進。書不盡意。意不盡言。說其大槩。雖轉古而通。今皆在得其傳。受須活潑潑地。且活法者如珠走盤。但見太陽症者。宜直攻太陽。但見少陰。宜攻少陰。此活法也。仲景又云。日數雖多。但有表證而脈浮者。尤宜汗之。日數雖少。但有裏症而脈沉者。尤宜下之。此先賢之確論也。切不可執定一二日發表。三四日和解。五六日方下。此庸醫執死法也。務俾審脈驗症。辦明定經。一一親切無疑。方可下手。真知其爲表邪而汗之。真知其爲裏邪而下之。真知其爲直中而溫之。如此而汗。如彼而下。又如彼而溫。桂枝承氣投之。不差。善附理中。發而必當。七劑少差。死證立見。可不深思而熟慮哉。仲景取方立論甚衆。曰可溫。曰可

汗曰急下。曰少與。與夫先溫其裏。乃攻其表。先解其表。乃攻其裏。得其綱領者。不難也。如響應聲。如影隨形。見病者。則目識心通。見醫人。則接談無慮。不得其傳者。實難也。見病者。舉手無措。見醫人。則汗顏緘默。此猶綉麒麟耳。正謂名譽虛隆。而實德則病矣。嗟夫。常病用常法。誰人不知。設有感冒。非時暴寒。而誤作正傷寒者。有勞力感寒。而誤作真傷寒者。有襍症類傷風。而誤認作傷寒治者。有直中陰經。真寒症。而誤認作傳經之熱證者。有溫熱病。而誤作正傷寒治者。有暑症。而誤作傷寒治者。有如狂而認作發狂者。有血症發黃。而誤認溫熱發黃者。有蚊迹而認作發斑者。有動陰血。而認作鼻衄者。有謔語。而認作狂言者。有獨語。而認作鄭聲者。有女勞復。而認作陰陽易者。有短氣。而

參後

誤作發喘者。有痞滿。而認作結胸者。有心下硬痛。下利純清水。而俗呼爲漏底者。有噦。而誤認乾嘔者。有併病。而認作合病者。有正陽明腑病。而認作陽明經病者。有太陽症。發脈。而便認死證者。有裏惡寒。而認作表惡寒者。有表熱。而誤作裏熱者。有陰發燥。而認作陽證者。有少陰病發熱。而誤作太陽證者。有標本全不曉者。此幾件。終世不相認者。比比然乎。胸中若不證脈。講明論。方得法。但同庸俗。一槩妄治。此殺人不用刀耳。非惟救人功大。亦且陰隲匪輕。吾老矣。傷寒專科。實得仲景先師厥旨。雖發萬全之功。十中可生八九。曾著有言。不能盡心刻骨。因令老邁後。恐繼業者。不得其傳。有玷名行。遂將一生所畜肺腑語句。併家秘不傳之妙。及一提金。殺車槌法。逐一語錄于後。論註證。

而證註脈。脈註法。而法註方。再三叮囑。吾後子孫。不必集開方。而觀別論。別繁亂。而莫知其源。必湏熟記。又則自然精貫。不與庸醫伍。不使時醫笑可也。尔宜珍藏。受授謹之。慎之。毋急。母勿急故戒。

傷寒秘要脈證指法

傷寒治法。得其綱領者。如拾芥。若求之多岐。則支離破碎。如涉海問津。夫蓋脈証與理而已。傷寒之脈。以浮大動數為陽。沉瀆弱弦微為陰。然脈理精深。令人何能到此田地耶。夫脈者非血。非氣。乃營行之道路。實先天後天之造化。無所窮盡。叔和脈云。指下難明者。真言也。今人誇誕。通曉者。但能言而不能行也。吾老專以浮中沉三脈候而治之。察其陰陽表裏虛實寒熱。如見其肺肝然。歟。所逃其情矣。既云傷寒則寒邪自外入內而傷之。

其入則有淺深次第。自表達裏。攻入皮膚肌肉。次入筋骨。以此推之。而不難也。原風寒初入。或先太陽寒水之經。此經水寒標熱。便有惡風惡寒頭疼發熱。蓋寒鬱皮毛。是為表證。若在

他經則無此證矣。脈若浮緊。無汗為傷寒。用麻黃湯發之。得汗為解。脈若浮緩。有汗為傷風。用桂枝湯以散邪。汗止為解。若每頭疼惡寒。脈又不浮。此為表證罷。而在中中者。即半裏半表之間也。乃陽明少陽之分。脈又不浮。不沉。在乎肌骨之間。皮膚之下。然則有二焉。若微洪而長。陽明脈也。外證則目痛鼻乾不眠。用葛根以解肌。脈弦而數。少陽脈也。其證胸脇痛而耳聾。寒甚熱嘔。而口苦。如見此證。此脈。便以小柴胡和之。蓋陽明少陽二經。不從標本。從乎中也。過此邪入裏。為熱實。脈不浮而沉沉則

則按之筋骨之間方是。若是脈來沉實有力。外證則不惡風寒。而反惡熱。謔言大渴。或潮熱自汗。或揚手擲足。揭去衣服。五六日不大便。明其熱入裏。而腸胃燥實也。輕則大柴胡湯。重則大承氣湯。選用大便通而熱愈矣。若脈來沉遲無力。此為直中陰經。真寒證之陰脈。其證無頭痛。身熱初起怕寒。手足厥冷。或戰慄。趺臥不渴。兼之腹痛。嘔吐泄瀉。或口出涎沫。面如刀刮者。乃陰經自中之寒。不從陽經傳入。故不在傳經熱證治例。更當看外證如何。輕則理中湯。重則姜附四逆。以溫之。其中緊要關節。吾再表而出之。太陽者。陽證之表。陽明者。陽證之裏。少陽者。二陽三陰之間。太陰少陰厥陰。又居於裏。總而謂之陰證。然三陰俱是沉脈。妙在指下有力無力。中分有力者為陽。為實。為熱。

肆段

無力者為陰。為虛。為寒。最為切當。其三陽輕證。前之已云。不再多錄。夫三陰傳經熱證。脈雖開明。論尤未訣。重加訂證。如腹滿咽喉乾。屬太陰。舌乾口燥。屬少陰。煩滿囊縮。屬厥陰。此三者。俱是陽經傳入陰經之熱證。脈見沉實有力。即當攻裏下之。如其下後利不止。身疼痛。脈反沉細無力。又當救裏溫之。此權變之法也。三陰傳經熱證。與其三陰直中寒證。脈雖沉而有力。無力。所別證。有異而治。各不同。是其大法也。歟。前云。正陽明病本風。經風感氣實。脈亦沉實有力者。因邪熱傳入胃腑。而有燥屎。此一節指腑病屬裏而言也。實證治之。奇功指法之妙。秘之不與俗人言之耳。今將浮中沉三脈。列為三圖。下就註證治之法。使因脈以知證。緣證以明治。以此達彼。猶粗入精。亦可以為後

人之宗也。

論脈浮形法主病

浮初排指外皮膚之上。輕手按之。便得曰浮。此為寒邪傳入於表。陽經病在表之標。可發而去之。雖然證之。則有二焉。寒傷榮則無汗惡寒。用麻黃湯。風傷衛則自汗惡風。用桂枝湯。一通一塞。不可同也。

浮緊有微熱。汗惡寒。頭項痛。腰脊強。發熱。此為傷寒在表。宜發散。冬時麻黃湯。春夏秋皆用羌活沖和湯。

浮緩有汗惡風。頭項痛。腰脊強。發熱。此為傷風在表。冬時用桂枝湯。餘三時用加減沖和湯。腹痛小建中湯。痛甚者桂枝大黃湯。

論中脈形狀指法主病

中按至皮膚之下。肌骨之間。畧重按之。乃得謂之半表半裏證也。然亦有二焉。蓋陽明少陽二經。不從標本從乎中也。

長而有力。即微洪脈也。此為陽明在經。其證微有頭疼。眼眶痛。

鼻乾不得眠。發熱無汗。用葛根解肌湯。若渴而有汗不解。或

經汗過渴不解者。用白虎湯。加人參無渴不可服。此藥為大

忌。

弦而數。此為少陽經脈。其證胸脇痛。而耳聾。寒熱嘔。而口苦。俱

用小柴胡湯。本方自有加減法。或兩經合病。則脈弦而長。此

湯加葛根芍藥。緣膽無出入。有三禁止。宜和解表裏。

論沉脈形狀指法主病

沉重手按至肌肉之下筋骨之間此為沉脈亦有二焉陰陽寒熱在沉脈中分無人知此實秘訣耶

沉數有力則為陽明之本表證解而熱入于裏惡寒頭疼悉除反覺怕熱欲揭衣被揚手擲足譫語狂妄燥渴或潮熱自汗五六日不大便輕則大柴胡湯重則三承氣選用

沉遲無力為寒外證無頭疼無身熱不渴初起怕寒厥冷倦臥兼或腹痛吐瀉或戰慄面如刀刮或口吐白沫冷涎皆是陰經自中真寒證輕則理中湯重則姜附四逆湯溫之

傷寒至沉脈方分陰陽仔細認下藥不可造次倘有差失咎將歸已凡診脈須分三部九候每部必先浮診三候輕手於皮膚之上候三動也中診三候畧重指於皮膚之下肌肉之

下筋骨之上候三動也三三而成九候然後知病之淺深表裏以為處治之標的豈可忽畧於昧而欲求病之所在乎切脈謂之巧得心應指自然神效有狂死者吾不信也若不明脈識證狂妄行醫視人命如草芥他日不受天殃吾亦不信也

伍段

辨脈雖浮亦有可下者脈雖沉亦有可汗者

夫脈浮當汗脈沉當下固其宜也其脈雖浮亦有可下者謂邪熱入腑大便難也大便不難豈敢下乎其脈雖沉亦有可汗者謂少陰病身有熱也假若身不發熱豈敢汗乎此取證不取脈也

伍段

論風傷衛氣寒傷榮血辨

蓋風則傷衛氣。寒則榮血者。緣氣本屬陽。風屬陽。陽則從陽。故傷衛氣。陽主開泄。皆令自汗。故用桂枝湯。辛甘溫之劑。以實表。血本屬陰。陰則從陰。故傷榮血。陰主閉藏。皆令無汗。故用麻黃。輕揚之劑。以發表證。所謂水流濕而火就燥。雲從龍而風從虎。各從其類者。是也。

用藥寒溫辯

夫發表之藥。用溫。攻裏之藥。用寒。溫裏之藥。用熱。者。表既有邪。則爲陽虛。陰盛。溫之。乃所以爲陽。陽有所功。而長。則陰邪所由以消。故用辛甘溫之劑。發表爲陽。此指發表之藥。用溫者。明矣。裏既有邪。則爲陰虛。陽盛。寒之。乃所以助陰。而抑陽。陽受其抑。則微。而真陰所由以長。故用酸苦之劑。瀉泄爲陰。此指攻裏之

藥。用寒者。明矣。陰經自受。受之。則爲腹痛。主陽不足。而陰有餘。故用辛熱之劑。以助陽。抑陰。此指溫經之藥。用熱者。明矣。表有邪。不汗之。其邪何從而去。裏有邪。不下之。其邪何從而出。臟有寒。不溫之。其寒何從而除。此三者。所謂用藥寒溫辯也。

正傷寒及溫暑暴寒勞力感冒時疫治各不同論

夫傷寒二字。蓋冬時天氣嚴寒。以水冰地凍。而成殺厲之氣。人觸犯之。即時病者。爲傷寒。乃有惡寒。頭疼。發熱之證。故用麻黃。桂枝。發散。表中寒邪。自然熱退。身涼。有何變證。如或頭疼惡寒。表證皆除。而反見譫語。怕熱。燥渴。大便閉者。以法下之。大便通。而熱愈。有何怪證。其餘春夏秋三時。雖有惡寒。身熱。頭疼。亦微。即爲感冒。非時暴寒之輕。非比冬時氣。正傷寒爲重也。如冬感

寒不即病。伏藏於肌膚。至春夏秋時。其伏寒各隨時氣。改變為溫。為熱者。因溫暑將發。又受暴寒。故春變為溫病。既變之後。不得復言其為寒矣。所以仲景有云。發熱不惡寒。而渴者。其理可見。溫病也。暑病亦然。比之溫病。尤加熱不惡寒。則病非外來。渴則明其熱自內達。表無表證明矣。治溫暑。大抵不宜發汗。過時而發。不在表也。其伏寒至夏。又感冒寒。變為暑病。暑病者。即熱病也。取夏火當權。而言暑字。緣其溫熱二證。從冬時伏寒所化。總曰傷寒。所發之時。既異。治之不可混也。若言四時俱是正傷寒者。非也。此三者皆用辛涼之劑以解之。若將冬時正傷寒之藥。通治之。定殺人矣。辛涼。羌活。沖和湯是也。兼能代大青龍湯。治傷寒見風。傷風見寒。為至穩。一方可代三方。危險之藥。如城

其神乎哉。世俗皆所未知也。若表解而裏證具者。亦以法下之。無惑。又傷寒下後。過經不愈者。亦溫病也。已經汗下。亦不在表也。隨病制宜。凡有辛苦勞役之人。有患頭疼。惡寒身熱。加之骨腿酸疼。微渴自汗。雖浮大而無力。此為勞力感寒。用補中益氣。辛溫之劑。為良。經云。溫能除大熱。正此謂也。若當和解者。即以小柴胡。加減和之。下證見者。即以本方。加大黃。微利之。切勿過用猛烈。其害非細。若初病發身熱。發頭疼。便就怕寒。厥冷腹痛。嘔吐泄瀉。脈來沉遲。無力。此為直中寒證。宜溫之。而不宜汗下也。疫癘者。皆時行不正之氣。老幼傳染相同者是也。緣人不近穢氣。免傷真氣。若近穢氣。有傷真氣。故病相傳染。正如畜壁固賊。人不敢入。正氣邪氣。不敢侵。正氣既虛。邪得乘機而入。與

理中湯

人參 白朮

乾姜 炙甘草

前溫暑治。又不同。表證見者。人參敗毒散。半表半裏證者。小柴胡。裏證具者。大柴胡。下之。無以脈診。以平為期。與其瘧痢等症。亦時疫也。照常法例治之。

兩感傷寒誤治論

四逆湯
附子 乾姜
甘草

傷寒兩感者。陰陽雙傳。雖為必死之證。猶有可救之理。蓋用藥先後。發表攻裏。本自不同。活人書先救裏。以四逆湯。後攻表。以桂枝湯。殊不知仲景云。太陽與少陰病。頭惡寒。邪入表。口乾而渴。邪在裏。陽明與太陰病。身熱。目赤。邪在表。不欲食。腹滿。邪在裏。少陽與厥陰病。耳聾。脇痛。寒熱而嘔。邪在表。煩滿。囊縮。邪在裏。三陽之頭痛。身熱。耳聾。脇痛。惡寒而嘔。在表者。已自不可下之。其三陰之腹滿。口渴。囊縮。謔語。在裏者。可下。下乎。活人書引。

下利身疼痛。虛寒救裏之例。而欲施治於煩滿囊縮。與熱之證。可乎。蓋仲景所謂發表者。葛根麻黃是也。攻裏者。訶胃承氣是也。活人書却謂救裏。則是四逆攻表。則是桂枝。今以救為攻。豈不相悖。若用四逆。是火濟火。而腹滿囊縮等證。何由而除。臟腑何由而通。榮衛何由而行。故死者。可立而待也。學者。豈可執一定之法於胸中乎。

傷寒合病併病論

合病併病。世所難明。若非得其精專焉。能識此證哉。合病者。兩經或三經。齊病。不傳者。為合病。併病者。一經先病。未盡。又過一經之傳者。為併病。若併而未盡。是傳未過。尚有表證。法當汗之。若併之已盡。是為傳過。法當下之。是知傳則入腑。不傳不入腑。

手太陽小腸
足太陽膀胱
手陽明大腸
足陽明胃
手少陽三焦
足少陽胆
手太陰肺
足太陰脾
手少陰心
足少陰腎
手厥陰心包
足厥陰肝

茶後

言其有傳受如此也。三陽互相合病皆自下利。太陽陽明合病主葛根湯。太陽少陽合病主黃芩湯。少陽陽明合病主承氣湯。三陽合病無表證者俱可下。但三陽經合病仲景發背惡寒語句雖則有口燥渴心煩背微惡寒者乃屬太陽症而非三陽合病也。三陽若與三陰合病即是兩所以三陰無合併例也。傷寒少陰症似太陽太陽脈似少陰為互用藥不同論。蓋太陽病脈似少陰少陰病症似太陽所以謂之互而當異也。今深究其指均自脈沉發熱以其有頭疼故為太陽病脈當浮。今反脈不浮而沉者以裏虛久寒正氣衰微所致。今身軀疼痛故宜救裏使正氣內強逼邪出外而乾姜生附亦能出汗而解。假若裏不虛寒則見脈浮而正屬太陽麻黃證也。均自脈沉發

發熱以其發頭疼故名少陰病當無熱。熱反寒邪在表但皮膚禁閉而為熱而在裏無熱故用麻黃細辛以發表間之熱。附子以溫少陰之經。假使寒邪在裏則外必無熱當見吐利厥為等症而屬正少陰四逆湯症也。以此觀之表邪浮殘發熱之反尤輕正氣衰微脈沉之反為重。此四逆為劑不為不重於麻黃附子細辛湯也。可見熟附配麻黃發中有補生附配乾姜補中有發所謂太陽少陰脈沉發熱雖同而受病有無頭痛與用藥自別故併言之耳。若誤治之其死必矣。

傷寒陰陽寒熱二厥辨

陰陽二厥治之一差死證立判。夫陽厥者先自三陽經氣分因感寒邪起於頭疼發熱惡寒已後傳進三陰血氣變出四肢厥

理中湯

甘草 人參

白朮 乾姜

四逆湯

姜附片

冷乍溫。大便燥實。謔語發渴。揚手擲足。不惡寒反怕熱。脈沉有力。此見傳經熱症。謂之陽厥。陽極發厥者。即陽證似陰。外雖有厥冷。內有熱邪耳。蓋因大便結實。失下。使血氣不通。故手足乍冷乍溫也。如火煉金。熱極金反化水。水寒極而成冰。反能載物。厥微熱亦微。四逆散。厥深熱亦深。大承氣。正謂剛則害其物。承乃制其極也。若醫人不厥。疑是陰厥。復進熱藥。如抱薪救火矣。夫陰厥者。因三陰經血分。自受寒初病。每身熱發頭疼。就便惡寒。四肢厥冷。直至臍脛。以上過乎肘膝不溫。引衣捲臥不渴。每或腹疼吐瀉。或戰慄面如刀刮。口吐涎沫。脈沉遲無力。此為陰經直中。真陰寒症。不從陽經傳入。謂之陰厥也。輕則理中湯。重則四逆湯。溫之。勿令誤也。

傷寒結胸痞滿辨

傷寒結胸者。今人不分。曾下與未下。便呼為結胸。便與枳桔湯。及成真結胸者。有之。殊不知乃因下早而成。未經下者。非結胸也。乃表邪傳至胸中。未入於腑者。雖滿悶。尚為在表。正屬少陽部分。只消小柴胡加枳桔。以治其悶。如未効。以本方對小陷胸湯一服。豁然。其妙如神。秘之莫與俗人言耳。若因下早而成者。方可用陷胸湯。分淺深從緩而治之。不宜太峻。此乃清道至高之分。若過下之。則傷元氣也。太陽症發熱惡寒。頭疼無汗。此寒傷榮血。當服麻黃湯發散。醫者不達。而誤下之。榮血重傷。而成痞滿。太陽症頭疼惡寒。發熱自汗。此風傷衛氣。當服桂枝湯散邪發表。醫者不達。而誤下之。衛氣重傷。而成結胸。蓋言榮衛陰

陽也。若言寒熱陰陽證者，則誤之甚矣。治法不錄于后條。

傷寒伏陰脉大論用藥之誤

夫病身不熱，頭不疼，初起怕寒，四肢厥冷，腹痛嘔吐，泄瀉眩暈，沉默不渴，脉來沉遲無力，人皆共知為陰症，必矣。至於發熱而面赤煩燥，揭去衣服，脉大人皆不識，認作陽症，誤投寒藥，死者多矣。殊不知陰證不分熱與不熱，須憑脉下藥，至為切當。不問脉之浮沉大，只但指下無力，重按全無，便是伏陰，不可與涼藥服之，必死。急與五積散一服，通解是裏之寒，隨手而愈。若內有沉寒，必須姜附以溫之，切忌發泄。脉雖洪大，按之無力，重按全無者，陰脉也。若將伏陰之證，而證作熱症，用涼藥治之，則渴愈盛，而燥愈急，豈得生乎？此取脉不取證也。

壹段

夫頭疼發熱惡寒，或一手發熱，兩手全無者，庸俗以為陽證，得陰脉便呼為死證，不治，殊不知此因寒邪不得發越，便為陰伏，故脉脈必有和汗也。當攻之，又有傷寒病至六七日以來，別無刑尅證候，或昏沉胃昧，不知人事，六脉俱靜，或至無脉，此欲正汗也。勿攻之，此二者，便如久旱將雨，六合陰晦，雨後庶物皆甦，換陽之吉兆。正所謂欲雨則天鬱熱晴露，天乃反涼，理可見也。當攻者，發汗，冬用麻黃湯，三時用羌活中和湯，勿攻者，止汗五味子湯，各有治法，當謹記之。

傷寒言證不言病論

言證不言病者，深有理哉。夫證之一字，有明證，見證對證之義。

存。且如婦證毒而賊證盜。月證殺而病對證不得辭。而無此其情矣。人之心肝脾肺腎藏而不見。若夫耳目口鼻則露而共見者也。五臟受病人焉。知之。蓋有諸中必形諸外。肝病則目不。曾視心病。舌不能言。脾病口不知味。肺病則鼻不聞香。其腎病則耳不聽聲。以此言之。其證最親切矣。其太陽經受病。症出頭疼身熱惡寒。一或傷之。本經之症見矣。將此首經論之餘。經不言可知。吾故曰傷寒言症不言病耳。

傷寒傳足不傳手經論

傳足不傳手者。此庸俗之謬論也。豈有是哉。人之皮膚。一身無非血氣所養。晝夜循環運行不見。豈有止行足而不行乎。况寒之中。人先入榮衛。吾故明其所由。蓋傷寒者。乃冬時感寒

即病之名。冬乃次水用事。其氣凝滯。例水冰地凍。在時則足太陽少陰正司。其令觸冒之者。則二經受病。其次則足少陽厥陰。繼冬而施春令。而夾受傷者。蓋風木之令。起于大寒節。正當三月至春分後。方行溫令。故風寒亦能傷之。足陽明太陽中土也。與冬時無預。而亦受傷者。土無定位。無成名。無專氣。寄旺於四時。終如於萬物。則四時寒熱溫涼之氣。皆能傷之也。况表邪傳裏。必歸於胃。而為燥屎。用承氣下之。胃氣和矣。平之六經。主於夏秋。故不傷也。足之六經。蓋受傷之方。分境界也。若言傷足不傷手。則可以為傳足。不傳手。則不可也。設或不傳氣。逆作喘。何經而來。如謂不然。仲景設有桂枝麻黃乃肺經藥也。豈虛言哉。

急下急溫論

急下。急溫者。蓋病勢危篤。將有變也。非若常病可緩。如少陰。口燥舌乾而渴。因邪熱內消。腎水將絕。固當急下。以救腎家將絕之水。少陰病。自利純清水。心下硬痛。口燥渴者。急下之。少陰病。腹脹硬痛。或遠脘痛。不大便。土勝水也。急下之。陽明。汗多熱盛。恐胃汁乾。急下以存津液。陽明病。腹滿痛。屬土實。急下之。熱病。目不明。熱不止者。多死。目睛不明。腎水已竭。不能照則已危矣。急宜下之。五者。俱大承氣湯。少陰。急溫有二證。內寒已盛。陽和之氣欲絕。急溫之。少陰。膈上有寒飲。乾嘔不可吐。急溫之。四逆湯。此救急之功也。

傷寒標本論

傷寒標本不明。如瞽者。夜行無路。可見也。原標者。病之根本。本者。病之根本。先受病為本。次受病為標。標本相傳。先以治其急者。此良法也。假如先起頭痛惡寒。就為本。已後發熱。就為標。此受病之標本也。將此一件推之。餘皆倣此。又脈之標本者。假如浮沉為本。虛實為標。此脈之標本也。

治傷寒看症法則

凡看傷寒。先觀兩目。或赤或黃。赤為陽毒。六脈洪大有力煩渴者。輕則三黃石膏湯。重則大承氣湯。黃為疸證。如小尿不利。或赤。兼小腹脹滿。不痛。渴而大便實。脈來沉實。有力者。為濕熱。發黃。輕則茵陳五苓散。重則茵陳湯。分利小水。清白為愈。黃自退。夫切法。開在。殺車提方。前次看口舌。有無胎狀。如見滑白色者。

六段

傷寒論卷之六 傷寒標本論 十五

邪未入裏。屬半表。半裏證。宜小柴胡和解。舌上黃胎者。胃腑有邪熱也。宜下之。調胃承氣湯。大便燥實。脈沉有力。而大渴者。方可下。便不實。脈不沉。微渴者。未可下。尤宜小柴胡湯。舌上黑胎。生若利者。是腎水尅於心火。十有九死。急用大承氣湯下之。幾疑矣。此邪熱已極也。劫法開在殺車槌方前。

已後。以手按其心胸。至小腹。有無痛處。若按之。當心下硬痛。手不可近。燥流譫語。大便實。脈來沉實有力。為結胸證。急用大陷胸湯。加枳殼下之。量元氣虛實。宜從緩治。若按心胸。雖滿悶。不痛。尚為在表。未入乎腑。乃邪氣填乎胸中。只消小柴胡。加枳殼。以治其悶。如未効。本方對小陷胸。一服如神。若按之。當心下脹滿。而不痛者。宜瀉心湯。加枳殼。是痞滿也。以手按之。小腹若痛。

而小水自利。大便黑。兼或身黃。譫妄燥渴。脈沉實者。為蓄。邪承氣下。盡黑物則愈。若按之。小腹脹滿。不硬痛。小水不利。即瀉瀝也。五苓散。加減利之。不可大利。恐耗竭津液也。若按小腹。連臍硬痛。渴而小水短赤。大便實者。有燥屎也。大承氣下之。劫法。俟開殺車槌方前。

再後。問其大小便。通利若何。有何痛處。及服過何藥。方知端的。務使一一明白。證脈相對。庶使下藥無差。凡看傷寒。若見吐衄者。雖有大熱。忌下涼藥。犯之必死。蓋胃中有寒。則蛔上膈。大凶之兆。人皆未知。急用炮乾姜。理中湯一服。加烏梅二個。花散十粒。服後待蛔定。却以小柴胡退熱。蓋蛔聞酸則靜。見苦則安矣。凡治傷寒。若煩渴欲飲水者。因內水消竭。欲得外水自救。大渴。

欲飲一升。止可與一碗。常令不足。不可太過。若恣飲過量。使水停心下。則為水結胸等證。射于肺。為喘。為咳。留於胃。為噎。為噦。溢於皮膚。為腫。畜於下焦。為癥。滲於腸間。則為利下。皆飲水多之過也。又不可不與。又不可強與。經云。若還不飲。非其治。強飲。須教別病生。正此謂也。

凡治傷寒。若經十餘日。已上。尚有表證。宜汗者。與羌活中風湯。微汗之。十餘日。若有裏證。宜下者。可與大柴胡湯下之。蓋傷寒過經。正氣多虛。恐麻黃承氣太峻。誤用麻黃。令人亡陽。誤用承氣。令人不禁。故有此戒。若表證尚未除。而裏證又急。不得不下者。只得以大柴胡通表裏而緩治之。又老弱。又血氣兩虛之人。有下證者。亦用大柴胡下之。不傷元氣。如其年壯力盛者。不

溶

參段

凡治傷寒。天麻胡和之。者。切勿忌汗下。寸脈弱。而無力者。切忌發吐。俱宜小柴胡和之。

凡治傷寒。若汗下後。不可使用參。蓋大補。宜用小柴胡。加減和之。若太補。使邪氣得補。而熱愈盛。復變生他症矣。所謂治傷寒。要補法也。如曾經汗下後。果是虛弱之甚。脈見無力者。方可用甘溫之劑。補之。此為良法。其勞力感寒之證。不在禁補之例。看消息用之。凡治傷暑。與傷寒。俱有熱。若誤治之。害矣。傷寒則外惡寒。而脈虛。此為不治。治經云。脈盛身寒。得之傷寒。脈虛身熱。得之傷暑。治宜小柴胡湯。加石膏。知母。或人參。白虎湯。天久漏雨。溫令大行。蒼朮。白虎湯。若元無素弱。而傷重者。用清暑益氣。

湯治之。

傷寒表裏見證治例活法

凡治傷寒。若見頭痛惡寒發熱。腰脊項強。脈浮者。即是表證。不拘日數多少。便用解表藥無疑。

凡治傷寒。若見耳聾脇痛。寒熱嘔而口苦。脈見弦數者。即是半表半裏證。不拘日數多少。便用和緩藥無疑。

凡治傷寒。若頭疼惡寒悉除。及見怕熱。燥渴。譫語。揭去衣被。擲足。發狂斑黃。或潮熱自汗。大便不通。小便短赤。或胸中痞。臍腹注悶。頭疼痛。脈沉有力。或上氣喘促。即是傳裏證。不拘日數多少。便用通利下藥無疑。

凡治傷寒。若見初病起。身熱就便怕寒。四肢厥冷。或腹痛吐。

嘔。口吐自沫。或流冷涎。或戰慄。面如刀割。引衣。或身不渴。脈沉遲無力。即是直中陰經真寒證。急用熱藥溫之。無疑。要在隨所見證。表裏而治之。切勿亂投湯劑。不可拘於日數。若非深。得付景之意。豈能至此耶。

三陰無傳經論

凡傷寒邪熱。自三陽傳至三陰。臟腑入裏。為盡。每所復傳。故言無傳經也。如再傳者。足傳手經也。

發熱

翕翕發熱。為表熱。是風寒客於皮膚。拂鬱於外。表熱而裏不熱也。無汗脈浮緊。宜發表。有汗脈浮緩。宜解肌。蒸蒸發熱者。為裏熱。是陽邪入陷於陰中。裏熱而表不熱也。脈沉實而渴者。宜下。

之若表熱未罷邪氣傳裏裏未作實則表裏俱熱脈必弦數宜和少陰脈沉反發熱者是未離于表也麻黃附子細辛湯如發熱煩渴小便赤脈浮大者此為表裏俱見五苓散利之其陰陽俱虛熱不止者汗下後復大熱脈燥亂者下利熱不止者皆

頭痛

頭痛者寒邪入足太陽經上攻于頭此表證也頭痛脈浮脈急汗惡寒可發汗頭痛脈浮緩有汗惡寒宜解肌照前時令用海陽明病不惡寒反惡熱五六日不大便胃實燥渴熱氣上攻於頭目脈實者謂胃承氣下之少陽頭痛者小柴胡和之濕寒身重頭痛者瓜蒂散搐鼻黃水出即愈痰涎頭痛胸滿寒熱者宜散土之厥陰乾嘔吐涎沫頭痛者吳茱萸主之三陽雖

肆段

不若太陽專主也三陽兼頭痛者宜發汗葛根湯有汗脈于項顛也若痛連於胸手足俱青為真頭痛必死矣

項強

項強者太陽感邪表證也無汗脈浮緊宜發汗葛根湯有汗脈浮緩宜解肌桂枝湯結胸項強大陷胸湯寒濕項強則成瘧例

惡寒

惡寒者乃寒邪客於榮衛則洒淅惡寒維一切屬表尚在腑陰傷所分若發熱惡寒身之頭疼身重脈浮者邪入太陽表證也宜汗之照時令用藥若發熱惡寒體倦脈沉遲無力者寒邪入足少陰裏證也宜溫之四逆湯經云發熱惡寒發於陽身熱

惡寒發於陰。或有下證悉具而微惡寒者。大柴胡下之。其少陰病惡寒而躄。手足厥冷。煩燥。脈不至者。死也。

惡風

惡風者。風邪傷衛。腠理不密。由是惡風。悉屬於陽。非比惡寒。乃有陰陽之別者。有汗惡風。脈浮者。桂枝湯。加木附。惡風小便難。四肢拘急。難以屈伸者。同上。若風溫惡風。不欲去衣。骨節痛。汗出短氣。小便不利。身微腫者。其草附子湯。汗後七八日不解。表裏俱熱。時時惡風大渴。舌乾燥而煩者。人參白虎湯主。

背惡寒

背惡寒者。陽氣不足。陽氣不足者。陰氣盛。陰氣盛者。口中和。附子湯。陽氣內陷者。口乾燥。白虎湯。二者。硬背惡寒。宜審治之。

寒熱

往來寒熱者。陰陽相表邪正分爭也。屬少陽。半表半裏證。蓋陽不足。則陰邪出表。而與之爭。故陰勝而為寒。陰不足。則陽邪入裏。而與之爭。故陽勝而為熱。邪居表多。則多寒。邪居裏多。則多熱。邪在半表半裏。則寒熱相半。乍往乍來。而間作也。小柴胡專主往來寒熱。寒多者。加桂。熱多者。加大黃。是其大法也。太陽證八九日。加瘧狀。一日二三度發。不嘔。清便。脈浮緩者。為自愈。不浮緩。為未愈。柴胡桂姜湯。病至十餘日。熱結在裏。大渴。大便實。往來寒熱。大柴胡湯。若往來寒熱。胸脇滿。而不痛者。半表半裏證。未入乎腑。小柴胡加枳桔。婦人中風。七八日。續得寒熱。發作有時。經水適斷。為熱入血室。亦用小柴胡治之。

潮熱

潮熱者。屬正陽明。胃腑旺於未日。一日一發。肺而作如潮水之有信也。專主胃中實熱。燥盡便然。宜下之。如熱不潮。大便不實。而脈浮。表證尚在者。未可與承湯。候大便硬。而燥渴。與夫自汗。譫熱者。急當下之。無疑矣。

似瘧

似瘧者。一名瘧狀。作止有時。非若寒熱往來之無定也。太陽症。似瘧。脈浮洪。桂枝湯。不區清便。一日二三發。為厥陰。脈浮緩。囊不縮。為自愈。如脈不浮。及面赤色。有熱者。以其不能得小汗。身必痒。用桂麻各半湯。陽明似瘧。煩熱汗出。日晡發熱。脈浮。桂枝湯。厥實。承氣湯。熱入血室。其血必結。如瘧。清血。柴胡湯。熱多寒

伍段

少。天脈遲者。建中湯。候天脈不遲。小柴胡和之。濕瘧。脈和平。身無寒。但熱。骨節煩疼。時嘔。白虎湯。加桂。渴者。小柴胡加瓜蒌根湯。治各有異也。

無汗

無汗者。寒邪中經。腠理固密。津液內滲。而無汗也。風暑濕。皆令有汗。惟寒邪。獨不汗出。太陽證。無汗者。各用麻黃湯。春秋羌活沖和湯。夏月神朮湯。項皆強。兀兀無汗者。葛根湯。陽明。無汗而喘者。麻黃湯。脈弱無力。難作汗者。血虛也。黃芪建中。加木附湯。剛瘕無汗。自有本條。若夫當汗之證。與麻黃湯二三劑。汗不出者。此為難治矣。

自汗

自汗者。衛為邪于不能固密腠理。疎而汗出。為有表裏虛。寔之分。若惡風寒。自汗出者。皆因太陽表証未解。冬用桂枝湯。餘月加減。沖和湯。若汗後惡風寒。皆為表虛。汗不止。黃芪建中湯。與夫太陽證發汗。遂漏不止。為亡陽。不附湯。若自汗出不惡風寒。則為表證罷。而裏證實也。承氣湯下之。若小便自利。汗出者。津液少也。急下之。汗出而渴。小便難者。五苓散利之。後或汗出如油。貫珠不流。喘而不休者。衛氣絕矣。皆不治也。

頭汗

頭汗者。邪搏諸陽之首。則汗見于頭。至頸而還也。若遍身自汗。出謂之熱越。今熱不得越。而陽氣上騰。津液上湊。故汗出于頭。天裏虛不可下。內澗不可汗。既頭有汗。不可再汗也。其或濕熱

在內。小便利。而大便黑。為畜血。頭汗出者。輕則犀角地黃湯。重則桃仁承氣湯。選用。熱入血室。有半表証。頭汗出者。小柴胡湯。發黃頭汗出。小便難。渴飲水漿者。濕也。輕則茵陳五苓散。重則茵陳大黃湯。水結胸心下。怔忡滿。而微熱。頭汗。與其誤下。濕家額上汗出。而喘。小便利者。亦陽脫也。

手足汗

手足汗者。手足乃諸陽之本。熱聚于胃腑。則津液傍達于四肢也。蘊則燥屎。瀉語。手足汗出者。大承氣湯下之。挾寒則谷不分。手足汗出者。理中湯溫之。是有承氣理中之不同也。

盜汗

盜汗者。睡中則出。而醒則止矣。緣邪在半表。半裡。故知膽有熱。

也專主小柴胡為當矣。

煩熱

煩熱者不輕汗吐下則為煩熱與發熱有異也。經曰病人煩熱汗出則解。如未作膈實但當和解微熱而已。若心下滿而煩則有吐下之殊也。先煩而悸者為實先悸而煩者為虛。虛謂心中欲嘔欲吐之貌。陽明病心煩喜嘔壯熱往來心下悸小便不利。小柴胡加茯苓湯發汗後解半日許脈浮數者可更發汗。桂枝湯汗後晝煩夜靜不嘔渴無表證脈微沉乾姜附子湯大汗後六七日不大便煩而不解腹滿痛者有燥屎也。大承氣湯下之止汗下後心下痞滿氣上衝頭身振搖而煩者茯苓白朮湯為要也。

煩燥

煩為擾亂而煩燥為憤怒而燥謂先煩漸生燥也有陰陽虛實之別。心熱則煩陽實陰虛腎熱則燥陰實陽虛煩為熱輕燥為熱重。所謂煩燥者先發煩而漸至燥所謂燥煩者先發燥而後發煩也。太陽中風不得汗煩燥者此和在表而煩燥也。羌活沖和湯大便不通六七日遶臍痛煩燥發作有時而渴者此為燥屎乃和氣在裏而煩燥也。大承氣湯太陽不得汗醫以火劫取汗火熱入胃此劫令煩燥也。小柴胡加牡蠣湯陽微發汗燥不眠與大下後復發汗晝日不得眠至夜安靜身發乾姜附子湯汗下後病不解煩燥者茯苓四逆湯俱謂陽虛煩燥也。又有不煩便作燥悶者此為陰盛拒陽也。欲於泥水井中臥飲水不得入口者是也。四逆湯其結胸煩燥惡寒蹇臥脈不出而煩燥皆

陸段

為不治也。

懊懷

懊懷者。鬱悶不舒之貌。蓋表證誤下。正氣內虛。陽邪內陷於心。胸之間。重則為結胸也。邪在心胸。則宜吐。熱結胃腑。則宜下。發汗吐下後。虛煩不得眠。懊懷者。與夫短氣煩燥。心下渴。胸中懊懷者。用梔子豉湯。陽明病下後。懊懷而煩。胃中有燥屎。承氣湯下之。陽明發汗。小便不利。心懊懷者。必發黃。茵陳湯利之。舌上白胎。肌不食。虛煩不眠。頭汗出。懊懷者。梔子豉湯也。

身體痛

身體痛者。雖曰太陽表邪未解。又有溫經發汗不同。如發熱惡寒。頭疼。身體痛。脈浮緊者。表未解也。冬月麻黃湯。餘月羌活沖和湯。汗之。或下利。脈沉身痛。如被杖者。為陰寒。諸宜四逆湯溫之。發汗後身痛。脈沉遲。桂枝芍藥人參湯。下利煩滿。身疼痛。先溫其裏。四逆湯。後攻其表。桂枝湯。一身盡痛。發熱面黃。七八日。熱結在裏。有瘀血也。桃仁承氣湯下之。如身重痛者。屬陽明有風也。葛根湯主治也。

拘急

拘急者。手足不能自如。屈伸不便。如倦卧惡風之貌。四肢諸陽之本。因發汗亡陽。陽虛而有此症。自汗脈浮。小便數。心煩惡寒。足攣拳急。芍藥甘草湯。太陽病。發汗。遂痛不止。惡風。小便難。拘急者。桂枝加附子湯。吐利後。汗出。發熱惡寒。拘急。手足厥冷者。四逆湯溫之也。

咳嗽

咳者俗呼為嗽。肺為邪氣逆。不下有肺寒而咳。有停飲而咳。有半表半裏而咳。各治不同。太陽病身熱咳嗽。乾嘔微喘而利。小青龍湯。身涼咳嗽。乾嘔微利。心下滿引脇痛。十棗湯。四肢重痛。腹疼下利。欬嗽。或嘔。真武湯。少陰病咳嗽。四逆湯。腹痛下利。或悸。四逆散。加五味子乾姜。少陽病往來寒熱。胸滿痛滿而咳。小柴胡湯。咳而嘔。滿喘急。大半夏湯也。

喘

喘者有邪在表而喘。有邪在裏而喘。有水氣而喘。在表者心腹濡而不堅。外證發汗。法當汗之。在裏者心腹脹滿。外症有汗。法當下之。水氣喘者。心下怔忡。青龍麻黃加杏仁湯。太陽陽明合

茶陵

痛。脈促有汗而喘者。葛根黃芩湯治之。經云喘而汗出。宜利之。汗不出而喘。宜發之。其或直視。謔語。汗出如油。喘而不休。死證。

氣逆

氣逆者。氣自腹中時逆上衝也。因太陽病下之。表邪乘虛傳裏。裏不受邪。則氣逆上行。而邪在表也。當汗之。桂枝湯不止衝者。勿與之。厥陽客熱上衝。此熱在裏而氣上也。大柴胡湯下之。病緩。虛羸少氣。氣逆上衝。欲吐者。竹葉石羔湯。有動氣。因發汗而氣上。李根湯。二者皆正氣虛而邪氣逆也。

短氣

短氣者。呼吸不相接續也。大抵心腹脹滿。而短氣者。邪在裏。而為實。宜下之。承氣湯。心腹濡滿。而短氣者。邪在表。而為虛也。宜

解之桂枝湯。食少飲多水停心下者。短氣者。小半夏湯。風濕相搏。汗出短氣。小便不利。惡風不欲去衣。邪氣在表。甘草附子湯。太陽證誤下之。短氣慳懷煩燥。為結胸者。大陷胸湯治也。

口乾

口乾者。邪熱聚胃。消耗津液。故少陰證。口燥咽乾。急下之。口乾漱水。不欲嚥者。若見表證。鼻衄。為邪熱在經。緣陽明血氣俱多。經中熱甚。迫血妄行。犀角地黄湯。口乾身大熱。背惡寒者。人參白虎湯。若無表證。加之胸腹滿。如狂者。又為畜血證。桃仁承氣湯。少陽口乾。小柴胡和之也。

渴

裏有無也。津液為熱所耗。傷寒傳至厥陰。為消渴者。諸飲未多。而小便少。乃熱能消水也。脈浮而渴。屬太陽。小青龍去半夏加天花粉。有汗而渴。屬陽明。人參白虎湯。便實者。宜當下之。脈沉而渴。屬少陰。大承氣湯。至於厥陰。又熱之極矣。俱當下之。無疑矣。太陽無汗。喜渴。忌白虎。宜小柴胡湯。陽明汗多而渴。或五苓。宜竹葉石膏湯。先嘔後渴。此為欲解。當與水解。先渴後嘔。為水停心下。赤茯苓湯。小便不利而渴。五苓散。發黃頭汗出。小便不利而渴者。茵陳五苓散。中暑脈虛身熱而渴者。白虎湯為要也。

胸膈滿

胸膈滿者。腹間氣塞滿悶也。非心下滿。脇滿者。脇肋下脹滿也。非腹中滿。蓋症邪傳裏。必先胸。以至心腹入胃。是以胸滿多帶。

表症宜微汗。惟脇滿多帶半裏。小柴胡加枳殼和之。胸中
痠實者。湯之。如胸中結實燥渴。大便閉者。下之。大陷胸湯可也。

結胸

結胸者。蓋太陽證。自汗。當服桂枝湯。而誤用承氣下之。而成結
胸。按之自痛。連臍腹邊。手下可近者。大結胸。大陷胸湯。按之方
痛心下硬。小結胸。小陷胸湯。懊憹煩渴。心下痛者。熱結胸。少與
大陷胸湯。懊憹滿悶。身無熱者。寒結胸。三物白湯。心下怔忡。頭
汗出。每大熱。為水結胸。小半夏茯苓湯。若未結下者。非結胸也。
屬半表半裏症。宜小柴胡枳桔以和之。已經下者。為結胸也。結
胸脈浮大者。未可下。猶帶表症。若結胸症煩燥悉具者。必死矣。

痞

痞者。因太陽症。當服麻黃湯。而誤用承氣下之。而成痞。此因
虛邪留滯。若欲下之。必待表症罷。而後可宜。小柴胡加枳桔湯。
若惡寒。汗出痞滿者。附子瀉心湯。服後小便不利者。五苓散。表
未心下妨悶者。曰支結。柴胡桂枝湯。表未解。而欲下之。遂協熱。
而利。心下痞硬。為表裏俱病。桂枝人參湯。為當也。

腹滿

腹滿者。邪入太陰。脾吐也。當痛為裏實。瀕下之。承氣湯。時減者。
為裏虛。當溫之。理中湯。若表解內不消。非大滿。猶生寒熱。亦未
可下。是邪全未入腑。若太滿大實。堅有燥屎。雖日數少。亦當下。
之。謂邪已入腑也。太陽證誤下。因時腹滿而痛。桂枝加芍藥湯。
痛甚者。桂枝加大黃湯。陽明病。發熱腹滿。微喘。口乾。不大便。小

柴胡湯噦而小便難。加茯苓。三陽合病。腹滿身重。難轉側。謔語。口中不仁。小柴胡湯。太陰腹滿吐食不可。枳實理中湯。少陰咽乾腹滿不大便。急下之。大承氣湯。下利腹滿身痛。先溫其裏。四逆湯。後解其表。桂枝湯。汗後腹滿當溫。厚朴半夏生姜人參湯。吐後腹滿少與調胃承氣湯。下後腹滿。枳子豉湯。腹滿大抵陽熱為邪。則腹滿而咽乾陰寒為邪。則腹滿而吐利。食不下。若曾經吐汗下後腹滿者。治各不同也。

腹痛

腹痛者。緣邪氣與正氣相搏。則為腹痛。如陽邪裏傳而痛者。其痛不常。當以辛溫之劑和之。小建中湯。陰寒在內而腹痛者。則痛每休時。嘗欲作利也。以熱劑溫之。附子理中湯。有燥屎宿食。

而痛者。則煩而不大便。腹滿而硬痛也。大承氣下之。少陰下利。清穀脈欲絕。腹痛者。通脈四逆湯。兼小便不利者。直武湯。實痛而閉脈實者。桂枝大黃湯。經云。諸痛為實。則痛隨利減之。法也。

小腹痛

小腹痛者。脘下滿也。若陷滿心下滿。腹中滿者。為邪氣而非物。今小腹痛。則為有物。而非氣。若小便利者。則為蓄血之形。小便不利。此乃瀉澀之誤。遂利之劑。宜分兩途。太陽病不解。熱結膀胱。其人如狂。小腹痛。急滿。結痛者。桃仁承氣湯。下盡黑物。則愈。太陰身黃。脈沉。小腹痛。小便不利者。五苓散利之。小便青白為愈。病人數有痞氣。連在臍傍痛。引入陰經者。名臍結死也。

嘔吐

嘔吐

貳段

嘔者聲物俱有。而旋出吐者。無聲有物。而頻出。有聲無物。為乾嘔也。較之輕重。則嘔甚於吐矣。蓋表邪傳裏。裏氣上逆。則為嘔也。大抵邪在半表。半裏。則多嘔。及裏熱而嘔吐者。俱用小柴胡湯。故經云。嘔多。雖有陽明證。不可攻。攻之為逆。若太陽少陽合病。如嘔者。黃芩加半下湯。太陽陽明合病。當自利。若不利而嘔者。葛根半下湯。三陽發熱而嘔。俱用小柴胡湯。先嘔後渴。此為欲解。當與水解。先渴後嘔。為水停心下。赤茯苓湯。若陽明證發熱汗出。心煩痞硬。下利嘔吐。大柴胡湯。若胃冷脈沉遲。不食。小便利者。半夏理中湯。加姜汁。利而見厥逆者。難治。以其虛寒之甚也。

乾嘔

桂枝湯

桂枝 芍藥

生薑 炙甘草

四逆湯

乾姜 附子

甘草

吳茱萸湯

吳茱萸 人参

生薑 大枣

嘔者。空嘔而無物出也。大抵熱在胃脘。與穀氣併熱。為上行。心下痞結。則有此症。太陽汗出。乾嘔。桂枝湯。主自汗也。少陰下利。乾嘔。姜附湯。主下利也。厥陰吐涎沫。乾嘔。吳茱萸湯。主涎沫。邪去。嘔自止。又有水氣二證。太陽表不解。心下水氣。身熱。乾嘔者。微喘。或自利。小青龍湯。不發熱。只惡寒。脇痛。咳而利。乾嘔者。亦水氣也。十棗湯。膈上有寒飲。乾嘔者。屬少陰。四逆湯也。

噦

噦。即乾嘔之甚者。非比乾嘔。則有聲。濁惡而長。皆有聲。而無物也。蓋因胃氣本虛。因汗下太過。或恣飲冷水。水寒相搏。虛逆而成也。又有熱氣擁鬱。上不得通。與下者。輕則和解。疎利。重則溫散。噦而腹滿。大便不利。先用半下。生薑湯。次用小承氣。小便不

利者。猪苓湯。噦不止者。乾姜橘皮湯。溫病有熱。暴飲冷水作噦。茅根乾葛湯。噦家若不尿而噦者。則病篤矣。

咳逆

咳逆者。俗謂乞忒是也。絕發聲於咽喉。則遽止。然連續數聲。然而短促不長。古謂之噦。非也。噦與乾嘔。發異。但其聲濁。惡而長。比之乞忒。大有逕庭矣。若將乞忒。素為噦。與咳逆。誤人多矣。若實脈。本有力者。少與承氣湯。微利之。因當下。失下。熱氣入胸。于肺。故耳。若便軟。脈來無力。瀉心胸。因胃氣而衝逆。故耳。脈散者。難也。

下利

下利者。傷寒下利多噴於熱。傳裏裏協熱。亦為下利。三陽下利。手足溫。少陰厥陰下利。身涼。無熱。此其大槩耳。夫自利。清穀不渴。小便色白。微寒。脈沉。遲。無力。此皆寒證也。若渴欲飲水。溺色如常。泄下黃赤。發熱。後重。此皆熱症也。寒者理中。四逆湯。熱者小柴胡。猪苓湯。寒因直中陰經。熱因風邪入胃。水來傷土。故令暴下。或溫或攻。或固下焦。或利小便。隨症施治。但不可發汗耳。若汗之。使邪氣內攻。復泄。具津液。胃氣轉虛。必成脹滿也。太陽陽明合病下利。葛根湯。太陽少陽合病下利。乾嘔。脈實者。承氣湯。太陽表未解。數下之。遂協熱利。心下痞者。桂枝人參湯。太陰自利不渴。與夫厥逆。無脈而利者。四逆湯。少陰咽痛。下利。胸滿。心煩者。猪膚。其結湯。渴而自利。純清水。心下硬。痛。口乾燥者。此不可溫。急用大承氣湯下之。無疑矣。傷寒續得下。

利清穀身疼痛者急當救裏。四逆湯清便自調。急當救表。桂枝湯下利譫語。脈沉有力。為有燥屎。急當下之。大承氣湯。腸鳴腹痛。下利。脈沉遲。急力急當溫之。小建中湯。寒毒下利。而戴陽者。下虛也。附子理中湯。若夫下利。譫語。目直視。下利厥冷。燥不眠。下利發熱。厥而自汗。下利厥冷。無脈。灸之不溫。脈不至者。下利一日十數行。脈反實者。皆為不治也。

熱入血室

熱入血室者。衝脈為血之海。即血室也。男女均有此血。氣亦均有此衝脈。得熱血必妄行。在男子則為下血。譫語。因邪熱傳入正陽明腑。在婦人則為寒熱似瘧。邪乃隨經而入。皆為熱入血室。太陽不解。熱結膀胱。其人如狂。而血自下者。愈。用桂枝湯。陽

明下血。譫語。胸滿。如結胸。夜則如見鬼。此為熱入血室。小柴胡湯。下焦畜血。其人如狂。小腹急結。小使自利。大便黑。與天下利無表裏症。脈數不解。消鬱之氣。多日不大便。此為瘀血。桃仁承氣湯。少陰病。下利膿血。或膿滿。如魚腦者。桃花湯主之。

四逆

四逆者。手足厥冷。不溫。謂之四逆。邪在表。則手足熱。邪在半表裏。則手足溫。至於邪傳少陰。則手足冷逆也。然則熱而致溫。由溫而致厥。乃傳經之邪。輕則四逆散。重則承氣湯。下之。若初起得病。便厥者。輕則理中湯。重則四逆湯。溫之。此為陰經受邪。乃陽不足。而陰有餘也。若或惡寒。厥逆。踈臥。煩燥。吐利。而脈不至者。皆惡候也。

卷後

不大便

不大便者。因發汗利小便過多。耗損津液。以致腸胃乾燥。蓋和熱傳入正陽明。裏症最多。惟見發渴譫語。脉實狂妄。潮熱自汗。小水赤。或心腹脹滿硬痛。急用三承氣湯。選而下之。大便通而熱愈矣。倘脉浮表症尚在。或帶嘔者。知邪未全入腑。尤在半表裏間。尚用小柴胡和之。候大便硬實。不得不下者。只得以大柴胡下之。若陽明汗多。或已經發汗利小便。而大便不通者。此津液枯竭。宜蜜導通之。

譫語

譫語者。經云。邪氣盛則實。精氣奪則虛。故實則譫語。虛則鄭聲。胃中實熱。上乘於心。心為熱。胃則神識昏迷。妄有所見而言也。

寤則睡中呢喃。重則不醒。亦譫有譫語者。有獨語者。有語言不休者。有言亂者。此數者。見則熱之輕重也。大抵熱入於胃。水涸糞燥。必發譫語為實也。有被火劫取汗。而譫語者。有妄言譫語者。有下利即穀不渴。譫語者。此為虛也。或脉來沉實。洪數有力。大便不通。小水赤燥。渴。譫語狂妄。腹中脹滿硬痛。或潮熱自汗。或下利純清水。心腹硬痛者。皆裏症。邪熱燥屎也。俱大承氣下之。下後利不止。與夫喘滿氣逆而上奔。自利氣脫而下奪。皆為逆也。其三陽合病。身重脉實。難轉口中。和面垢遺尿。白虎湯。或大便結大熱。乾嘔錯語。呻吟不眠。犀角解毒湯。初得病發熱狂言煩燥。不安精采。不與人相當。與五苓散三錢。以新汲水探吐。一法。用桂苓湯。狂言漱水。不欲嚥。大便黑。小水自利。身黃脹滿。

此因當下失下。是瘀血。譫語。桃仁承氣下盡黑物。則愈。婦人經水適來。適斷。續得寒熱。此為熱入血室。譫語。小柴胡湯。陽明證。喜忘如狂者。亦瘀血也。照前桃仁承氣下盡黑物。則愈矣。

鄭聲

鄭聲者。如鄭衛之音。轉不正也。蓋汗下後。若病久。本音失。而正氣虛。則語敢不知高下。乃精氣奪之。候其脈微細。大小便自利。小柴胡湯也。

小便不通

小便不利者。邪氣聚於下焦。結而不散。甚則小腹硬滿而痛。此小便不通也。大抵有所不利者。行之。取其滲利。若引飲過多。下焦蓄熱。或中溫發黃水。飲停滯。皆以利小便為先。惟汗後亡津。

液胃中乾。與陽明汗多者。則以利小便為戒。或小便不利。見頭汗出者。乃陽脫。關格之病。篤矣。引飲過多。小便不利。下焦蓄熱。脈浮者。五苓散。沉脈。猪苓湯。太陽病。身黃。脈沉。小腹硬。小便不利者。知無血也。與陽明無汗。小便不利。心中懊懣者。必發黃。茵陳五苓散。黃自退。而小便清矣。

小便難

小便難者。陰虛也。陽必溲之。由膀胱受熱。故小便赤澀。而不能流利也。又有雖不大便五六日。而小便少者。但初硬後澹。不定。或硬攻之。乃胃中水穀少。便雖通而不多。如猪苓湯可也。

小便自利

小便自利者。為津液偏滲。大便必硬。宜糞下之。太陰當發身黃。

其小便自利者。則濕熱內泄。不能發黃。惟血症小腹痛。如狂。小便自利者。腎與膀胱虛。而不能約制水泄。桃仁承氣下之。若自汗。小便數者。雖有表症。不可用桂枝。謂其走津液也。若誤服之。得厥者。以甘草乾姜為治也。

舌胎

舌上白胎者。以丹田有熱。胸中有寒。謂其寒邪初傳入裏也。小柴胡湯。舌乃心之苗。色應南方火。邪在表則未生胎。邪入裏津液結搏。則舌上生胎。而滑熱。氣漸深。其舌胎燥而溢熱。聚于胃。其胎為之黃矣。宜承氣湯下之。若舌上黑色胎者。則熱已深。病勢已篤。經曰。熱病口中乾。舌黑者。乃腎水刑於心火也。脈浮。陰陽俱緊。口中氣出。舌中乾燥。蹇卧足冷。鼻中瀉出。舌上滑胎。勿妄治也。到七八日以來。微發熱。手足溫者。此為欲解也。及或大發熱者。難治。設有惡寒者。小柴胡加干姜服之。

臟結

臟結者。臟氣閉結。而不復流布也。外症如結胸狀。但飲食腹滿。如故。下利。舌上白胎者為異。其脈寸浮。關沉。緊痛。引陰經。臍腹脹痛者。難治也。

咽痛

咽喉不利而痛。或成瘡。不納。益金止邪熱。毒氣上衝而痛。其桔苦酒湯。咽喉不利。吐膿血。手足厥冷。不止者。難治。升麻六

物湯
主之

頭眩

頭眩者。少陽半表裏之間。表邪傳裏。表中陽虛。故頭眩。又有汗

伍段

下後而眩暈者亦陽虛所致少陰下利止時頭眩時時自冒此
虛極而脫也太陽病若下之因復發汗以此表裏俱虛其人必
冒胃家汗自出而愈陽明病頭眩不惡寒能食而飲茯苓白木
茸草生姜湯少陽證目眩小柴胡湯太陽病發汗後汗出不解
心下悸頭眩身瞶筋惕振擗地者真武湯吐汗下後虛而脈沉
數心下痞脹痛氣衝咽喉不得息身振搖筋肉傷久則成痿痲
苓白木桂枝甘草湯是也

鼻衄

鼻衄者經絡熱盛迫血妄行於鼻者為衄也是雖熱盛邪猶在
經然亦不可發汗經曰以桂枝麻黃治衄非治衄也乃散散經
中邪氣耳其衄血固欲解若衄不止而頭面汗出其身無汗及

發汗不至是者難治太陽症衄血及服桂枝湯後致衄者為微
解犀角地黄湯發汗而衄脈浮緊再與麻黃湯有汗而衄脈浮
緩再與桂枝湯節菴曰此一者蓋為脈浮而設也若衄而成流
者不須服藥少刻自解若點滴不成流者必用服藥無疑經曰
奪血者無汗奪汗者無血俗人以血為紅汗厥有旨哉衄家不
可大汗汗之必額陷脈緊目直視不能聆不眠考藥地黃湯陽
明漱水不欲嚥犀角地黄湯衄而煩渴飲水水入即吐先服五
苓散次服竹葉石膏湯若少陰但厥無汗強發之必動其血或
從口鼻耳目中出名下厥上竭為難治當歸四逆湯是也

吐血

吐血者諸陽受熱其邪在表當汗不汗致使熱毒入臟積畜於

內透成吐血凡見眼閉目紅神昏語短眩暈迷妄煩燥漱水驚狂謔語鼻衄唾紅背冷足寒四肢厥逆胸腹急滿大便黑小便數皆瘀血症也雖有多般不必悉具但見一二便作血症主張初得此證急宜治之服桂枝湯吐者其後必吐膿血犀角地黄湯血熱者黃連阿膠湯是也

心悸

心悸者築築然動怔怔冲冲不能自安是也。有氣虛有停飲其氣虛者陽氣內弱心中空虛而為悸人有汗下後正氣虛而亦悸與氣虛而悸又甚皆瀉定治其氣也其停飲者由飲水過多水停心下心火惡水不能自安雖有餘邪必先治悸與水也如小便便利而悸者茯苓桂枝白朮湯小便少者必裏急積也

發黃

發黃者濕熱交併。民多病者。單陽而無陰也。太陰脾土濕熱所蒸。色見於外。必發黃。濕氣勝則如薰黃。而晦熱氣勝則如橘黃。而明。傷寒發黃。熱勢已極。且與畜血大抵相類。但小便不利大便實者為發黃。輕則五苓散。重則茵陳湯。小便自利大便黑者為畜血。輕則犀角地黄湯。重則桃仁承氣湯。濕家為病。一身盡痛。發熱身如薰黃。小便不利者。五苓散。小便自利發黃者。不附湯。身煩疼者。麻黃湯。加蒼朮。若夫形如咽煤。搖頭直視。環口。黎黑。拳体發黃者。此皆直臍絕也。

發斑

發斑者大熱則傷血熱不散裏實表虛熱乘虛出於皮膚而為

用升麻犀角湯熱多者玄參升麻黃連一物湯治也

發狂

發狂者重陽而狂熱毒所深併入於心遂使神不寧志不定始得少卧不飢謔語妄笑甚則登高而歌棄衣而走踰垣上屋罵詈不避親疎皆獨陽亢盛不大下之何能止也若因當汗不汗癢熱在裏下焦畜血如狂者小便必自利大便黑雖時如獨未至於狂耳須棗仁承氣下之重陽即陽毒脉洪大面赤咽痛潮熱發斑如錦紋或下利黃赤陽毒升麻湯不効者三黃石膏湯大便實者調胃承氣湯下之太陽病不解熱結膀胱其人如狂而血下者愈若外不解與桂枝湯外已解但小腹急結與夫脉沉身黃唇燥漱水小水自利者亦是血症如狂輕則犀角地黃湯重

斑也輕則如疹子甚則如錦紋或本屬陽誤投熱藥或當汗不汗當下不下或汗未解皆能致此有兩症一曰溫毒即冬時觸寒至春而發汗下不解和氣不散故發斑也一曰熱病即冬時溫暖感乖屬氣遇春暄熱而發也慎不可發汗若汗之重令開泄更增斑爛也然而斑之方萌與蚊迹相類發斑多見於胸腹蚊迹只見於手足陽脉洪大病人昏憒先紅後赤者斑也脉不洪大病人自靜先紅後黃蚊迹也其或大便自利或短氣燥屎不通黑斑如菓實屬者虛醫不能施其巧矣凡汗不下解足冷耳聾煩悶咳嘔便是發斑之候溫毒發斑咳而心飽悶下利嘔吐下部并口有蒼苔黃連掃皮湯陽毒斑如錦紋面赤咽痛脉洪大不知人者三黃石膏湯便實燥渴者調胃承氣下之發斑通

則堯仁承氣下之若狂言直視便溺自遺與汗後大熱脉燥狂言不能食此為慮也

肉潤筋惕

肉潤筋惕者非常常有之陽氣者精則養神柔則養筋發汗過多津液涸少陽氣偏枯肌肉失所養故惕也然動也然跳也非溫經助陽之藥何有愈乎故設真武湯以救之因汗吐下後表裏俱虛者有此證逆之甚也

拂鬱

拂鬱者乃陽氣蒸越形於頭面體膚之間聚而不散也其症有分別如大便硬而氣短燥渴者實也大柴胡汗下後有此症飲水而噦者胃虛也桂枝人參湯加茯苓初得病發汗不徹併於

陽明續自微汗出面色赤者陽氣拂鬱也解肌湯或汗不徹或脉浮緊者與麻黃湯或小便不利時有微熱大便乍難拂鬱不得卧此有燥屎作實也承氣湯下之是也

瘥後昏沉

瘥後昏沉或半月以來或十餘日終不惺惺錯語少神或寒熱似瘥或潮熱此因發汗不盡餘熱在心胞絡間故也知母麻黃湯微汗之若胃口有熱虛煩而嘔者竹葉石膏湯加生姜治也

勞復食復

病新瘥後因勞動再發為勞復緣其血氣未平餘熱未盡一或勞之熱氣遂還于經絡而復發也小柴胡湯加減治之表者汗之裏者下之病新瘥後而多食復發者為食復緣土虛不能勝

谷氣如水浸墻壁水退土尚未堅合其損谷則愈輕則消化重則吐下如閑脉實大熱燥渴謔語腹痛大便實急下之不可緩也

動氣

動氣者。臟氣不調。築築然跳動。隨所主而形見於臍之左右上下也。其人先有痞氣。而後感於傷寒。醫人不知。患有痞積在內。妄施汗下吐法。致動其氣。故曰動氣。凡汗吐下。豈可輕舉之乎。可見傷寒。所以看外症為當者。蓋不在脉之可見。必待問症之可得。又有真氣內虛。水結不散。氣與之搏。即發奔豚。以其走痛衝突如奔豚者。皆不宜汗下。通用理中去白朮加桂。緣白朮燥發閉氣。故去之。桂能泄奔豚。故加之。然獨不言當臍有動氣者。脾為中州。以行津液。妄施汗下。必先動脾氣。是以不言而喻也。

柴段
藿香正氣散
大腹皮 茯苓
薤白 厚朴

左右上下尚不宜汗下。何況中州之氣。豈敢輕動之乎。

傷寒霍亂

霍亂者。上吐下利。揮霍擾亂也。及邪氣飲食所傷。邪在中焦。既吐且利。邪在上焦。吐而不利。邪在下焦。利而不吐。俱用正氣散。加半夏生薑治之。如吐利不止者。理中湯如其上下不通。腹痛甚。而頭疼發熱者。桂枝大黃湯。此為乾霍亂死者多。因其所傷之邪不得出。擁塞正氣。陰陽隔絕。先用吐法也。

不仁

不仁者。謂不柔和痛痺不知。針火不知是也。諸虛乘寒為鬱。胃不仁。血氣虛弱不能周流於一身。於是正氣為邪氣所伏。故肢軀頑麻。厥如死屍。用桂麻各半湯不愈者。補中益氣湯入姜汁。

白朮 白芷
陳皮 桔梗
干姜 甘草
水煎加姜末
理中湯
治中寒腹痛
吐瀉厥冷
乾姜
白朮
甘草
水浸冷服

設或身躰如油汗不休喘而直視水漿不入者此為命絕也。

陰陽易

陰陽易者如換易之易以其邪毒之氣而交相易換也男子病新瘥煩人與之交動淫慾而反得病者煩人病新瘥男子與之交動淫慾而反得病者其候身重氣乏小便絞痛頭不能舉足不能移四肢拘急百節解散眼中生花熱氣衝胸在男子則陰腫入小腹攻刺在煩人則裏急連腰膝重引腹內痛若手足攣拳其脉離經者皆不治也其不因易而自病復發為之女勞復通用逍遙散加減治也

不眠

不得眠者陽盛陰虛則昼夜不得眠盖夜以陰為主陰氣盛則自閉而臥安若鳥陽新勝則終夜煩擾而不得寧所謂陰虛則與夜爭也汗出鼻乾不得臥者邪在表干葛解肌湯若胃有燥屎大熱錯語及大汗胃中干不得眠者邪在裏也用大承氣下之胃不和則臥不安故宜微熱和胃也若汗下後虛煩不得眠梔子豉湯咳而嘔心煩悶不得眠者水氣也猪苓湯下後復熱晝日煩燥夜則安靜無大熱者于姜附子湯吐下後心中懊憹不眠者梔子豉湯陽勝陰狂言不得眠乳夢心煩之氣者酸枣湯陰勝陽則驚悸昏沉大熱干嘔錯語呻吟不眠者犀角地黄湯治之汗出脉虛不眠者小建中湯主之也

多眠

夫衛氣者昼則行陽夜則行陰行陽則寤行陰則寐陽氣盛陰

氣虛則目瞑故多眠乃邪傳于陰而不在陽昏昏閉目者陰自
闔也。默默不言者陰至靜也。太陽病十餘日脈浮細者外
已解神將復也。設胸滿脇痛鼻干不眠者風熱內攻不汗乎表
故熱氣伏於裏則喜睡不得汗者小柴胡湯。脈浮者羌活沖和
湯。冬用麻黃湯。少陰病但欲寐尺寸俱沉細者四逆湯。少陰病
欲吐不吐欲嘔不嘔心煩多寐五六日自利而渴小便白者四
逆湯。若復煩熱不得臥者不治。三陽合病欲眠目合則汗譫譫
者則有熱也。小柴胡湯其胃熱者亦以也。犀角解毒湯。風濕狐
惑亦有此症。開在後條。

狐惑

狐惑者猶豫不決進退之義也。有濕唇皆虫症。腹中有熱食入
無多腸胃空虛。三虫求食而食人五臟其候四肢沉重惡聞食
氣默默欲眠目閉舌白齒晦面目間赤白黑色變易。常重食
下部為狐下唇有瘡其咽乾重食臟為惑其聲啞一者通用黃
連犀角地黃湯加桃仁。越人望而畏之厥陰消渴氣上衝心飢
不欲食食即吐。既曰胃寒復有消渴蓋熱在上焦而中下焦
則但寒而無熱。又有大便实证並用理中湯加大黃蜜少許微
利之。

百合

百合者百脈一宗。皆受病所謂無復經絡傳次也。大病虛勞
之後臟腑不平變成此症。似寒無寒似熱無熱欲食不食欲坐
不坐欲行不行口苦便赤藥入即吐利其脈微數每尿則頭痛

者六十日愈。不頭痛。但淅然惡寒者。四十日愈。若尿決然頭眩者。二十日愈。俱用百合知母地黃湯也。

乾厥

乾厥者。厥陰病人。素有寒妄。發其汗。或汗後身熱。以致胃中虛冷。飢不能食。食即吐。乾乍靜。乍煩。乾或上。或止。乾聞食即出也。治法在前。

傷風見寒傷寒見風

熱盛而煩。手足自溫。脈浮而緊。此傷風見寒也。不煩少熱。四肢微厥。脈浮而緩。此傷寒見風也。二者為榮衛俱病。法輕用大青龍。此為變陰。不可輕用。須風寒俱盛。又加煩燥。方可與之。不若羌活中和湯為神藥。

瘧

瘧者。先太陽中風。重感於寒。無汗為剛瘧。中風重感於溫。有汗為柔瘧。俱身熱足寒。頭項強急。惡寒頭面赤目。脈赤獨頭暈卒口噤。背反張。手足攣搐。皆瘧病也。傷風頭痛常自汗出而嘔。若汗之必發瘧。大發溫家汗亦作瘧。新瘧血虛汗出當風亦成瘧。若脈沉而遲。或緊。或散于指外者。皆死症也。有汗加減中和湯。無汗者羌活中和湯。口噤咬牙者大承氣湯下之。

瘵瘵

瘵瘵者。瘵則急而縮。瘵則緩而伸。熱則生風。風主平動。故筋脈相引。而伸縮。傷寒至此症。可謂死矣。能以去風滌熱之劑。間有生者。是其幸也。治法瘵病同。

風濕

風濕。尺寸俱浮。素傷于風。因時傷熱。風與熱傳。即為風濕。其外症。四肢不收。身熱自汗。頭疼喘息。發渴昏睡。或躄重不仁。慎不可汗。汗則謔語燥擾。目亂無睛。光病在少陰。厥陰二經。姜桂湯。小柴胡選用。未醒者。柴胡桂枝湯。發汗復身灼熱。知母葛根湯。渴者。瓜蒌根湯。脈浮身重。防己湯。誤汗。風濕。防己黃其湯是也。

濕溫

濕溫。寸濡而弱。及小而急。素傷于濕。因時中暑。濕與熱搏。即為濕溫。其狀胸膈滿。目痛壯熱。妄言自汗。兩脛痠倦。急惡寒。若發其汗。使人不能言。耳聾。不知痛處。其身青。面色變。是醫殺人。且濕溫在太陰。蒼朮白虎湯。加桂。濕氣勝。一身疼發熱。身黃。小便不利。大便不快。五苓散。加茵陳。臍虛自利。附子理中湯也。

貳段

風濕

風濕。脈浮。先傷濕。而後傷風也。其在肢體。腫痛。不能轉側。額上微汗。惡寒。不欲去衣。大便難。小便利。熱至日脯。而劇。治法。但微解肌。若正發汗。則風去。濕在。非徒無益。而又害之。羌活。和湯。咽渴。小便不利者。五苓散。外不熱。內不渴。小便利。木附湯。緩弱。昏迷。腹滿。身重。自汗。失音。下利不禁。白虎湯。加白朮。去甘草。身腫痛。微喘。惡風。杏仁湯。熱而煩渴者。小柴胡。加天花粉。若誤下之。小便必不利。五苓散。中濕。小便不利。一身疼。身黃。大便快。茵陳五苓散。大小便俱利。發黃者。木附湯。身痛。鼻塞。小建中湯。加黃芩也。

加黃芩也

溫毒中賜。

溫毒者。冬月感寒毒。異氣至春始發也。表症未罷。毒氣未散。故有發斑之候。心下煩悶。嘔吐。咳嗽。後必不利。寸脈洪數。尺脈實。

大烏病則重。以陽氣盛故耳。通用玄參升麻湯也。

中暑。脈虛而伏。身熱面垢。自汗煩燥。大渴毛聳。皆惡寒。或倦身不痛。與傷寒諸症。大不同矣。內外俱熱。口燥煩渴。四肢微冷。而不痛。用白虎湯。痰逆惡寒。橘皮湯。熱悶不惡寒。竹葉石膏湯。頭痛。惡心煩燥。五苓散。中暑用小柴胡。加香薷最良。脈遲。酒然毛聳。口齒燥。人參白虎湯。霍亂煩燥。大渴腹痛。厥冷轉筋。黃連香薷湯。治為要也。須冷服之。如熱服反為吐瀉矣。

崑山後學王德森觀於二十八年硯齋時年八十有一